

26

HARVARD COLLEGE LIBRARY  
FROM THE  
HARVARD-YENCHING  
INSTITUTE  
(AUG 30 1929

7 Ch L 9299.424

~~Ch L 9301.424~~

山堂肆考人品第五卷

○忠臣

韓詩外傳。忠之道有三。以道覆君而化之。大忠也。以德調君而輔之。次忠也。以是諫非而怨之。下忠也。周公之於成王。可謂大忠也。管仲之於桓公。可謂次忠也。子胥之於夫差。可謂下忠也。左傳。忠為令德。管子曰。忠者。臣下之高行。

匪躬

易曰。王臣蹇蹇。匪躬之故。

竭力

左傳九年。初。晉獻公使荀息傅奚齊。公疾。召之曰。以是藐

哈佛大學  
哈佛燕京  
圖書館  
珍藏印

諸孤辱在大夫其若之何。對曰：臣竭股肱之力，加之以忠貞，其涖君之靈也，不濟則以死繼之。

不事二君

蠅音肉。史記燕人入齊，聞邑人王蠅賢，令軍中曰：環畫三十里，無入。使人請蠅曰：齊人多高子之義，吾以子為將。封子萬家。蠅曰：忠臣不事二君，烈女不更二夫。齊王不聽吾諫，故退而耕于野。國既破亡，今又劫之以兵，為君將，是助桀為暴也。與其生而無義，固不如烹。遂經其頸于樹枝，自奮絕脰而死。齊亡，大夫聞之曰：王蠅布衣也，義不止而於燕，况在位食祿者乎。

不事二姓

王莽篡位，遣使奉璽書印綬，馳馬迎龔勝。勝不受，曰：吾受漢家高厚之恩，無以仰報，豈以一身事二姓哉。

季孫相魯

左成十六年，魯人執季文子，舍之于茗丘。范文子謂欒武子曰：季孫於魯，相二君矣。妾不衣帛，馬不食粟，可不謂忠乎。信纔慝而棄忠良，若諸侯何。

張良為韓

楚項王以張良從漢王，廢韓王成而殺之。良遂間行歸漢，綱目發明前此良已歸韓矣。至是韓王見殺，良乃歸漢。則子房始終為韓之心，益暴白於天下矣。

勃蘇畫吟

戰國策。吾與楚戰於柏舉。三戰入郢。寡君身出。百姓離散。芈冒勃蘓曰。吾被堅執銳。赴強敵而死。此猶一卒也。不若羸音盈。奔諸侯。於是羸糧潛行。蹠穿膝暴。七日而薄秦王之朝。雀羸音頰。立不轉。晝吟宵哭。七日不得告。瘖而殫悶。旄不知人。秦王聞而走之。冠帶不相及。左奉其首。右濡其口。勃蘓乃蘓。秦王身問之。芈冒勃蘓對曰。吳與楚戰於柏舉。三戰入郢。使下臣來告亡。且求救。秦王遂以革車千乘。卒萬人。屬之子滿與子虎。下塞以東。與吳戰于濁水。而大敗之。故勞其身。愁其思。以憂社稷者。芈冒勃蘓是也。注云。瘖。任。殫。氣絕也。

許肅夜哭

許肅列傳。肅為晉愍帝侍中。劉聰陰行鴆毒。帝食之心悶。

欲見肅。肅馳詣帝前。帝已不能語。執肅手流涕。肅欷歔登床。帝遂殂。肅晝夜號泣。哀感異類。

縮高全義

綱目。安陵人縮高之子。仕於秦。守管。信陵君攻之不下。使人召高。將以為五大夫。執節尉。而使攻管。高對曰。父攻子守。人之笑也。見臣而下。是倍主也。父教子倍。亦非君之所喜。敢辭。信陵君怒。使謂安陵君。生束縮高而致之。不然。將率十萬之師。以造城下。安陵君曰。吾先君成侯。受詔襄王。以守此城也。手受太府之憲。今縮高辭大位。以全父子之義。而君曰必生致之。是使我負襄王之詔。而廢太府之憲也。縮高聞之曰。信陵君為人悍猛而自用。此辭反必為國

禍吾已全已無違人臣之義矣豈可使吾君有魏惠乎乃  
之使者舍刎頸而死信陵君聞之編素辟舍而遣使謝安  
陵君

屈原盡忠

文選楚屈原竭智盡忠蔽障于讒心煩意亂不知所從乃  
往見大卜鄭詹尹以決疑故作卜居

諫吳許成

史記越勾踐使大夫種因吳太宰嚭而行成伍子胥諫吳  
王不聽使子胥于齊子胥屬其子于齊鮑氏還報吳王王  
聞之大怒賜子胥屬鏃之劍以死將死曰樹吾墓上以梓  
扶音厥令可為器抉吾眼置之吳東門以觀越之滅吳也

誑楚解圍

楚圍滎陽益急漢將軍紀信曰臣請誑楚乃乘王者車出  
東門曰食盡漢王降楚楚皆之城東觀王乃令周苛守滎  
陽與數十騎出西門去羽乃燒殺信

依牆而哭

左定四年初伍員與申包胥友其亡也謂包胥曰我必覆  
楚國包胥曰子能覆之我必興之及昭王在隨包胥如秦  
乞師立依於牆而哭日夜不絕聲勺飲不入口秦師乃出  
過塚而哀

東漢鮑永字君長行縣過更始塚引車欲下從事諫止之  
永曰親北面事人何忍車過其墓雖獲罪司隸不避也遂

下車哭盡哀。

弘演納肝

呂氏春秋狄人逐衛懿公於熒澤。盡食其肉。獨舍其肝。弘演使還。哭畢。呼天而號。盡哀而止。因出其肝。以內公之肝。

申蒯斷臂

劉向新序。崔杼弑其君莊公。申蒯漁於海。將入於之門者。以告崔杼。令毋內之。申蒯曰。汝疑我乎。吾與汝臂。乃斷左臂。而與門者。以示崔杼。杼陳列令入。申蒯援劍呼天而關。

解衣伏質

秦嫪毐作亂。伏誅。夷三族。遷太后于雍。黃陽宮。殺其二子。下令敢諫者死。諫而死者二十七人。齊客茅焦請諫。王大

婦芳去  
毒音  
音音  
結

怒。按劍而坐。口正沫出。趣召鑊。欲烹之。焦遂行至前曰。陛下有狂悖之行。四不自知。耶。車裂假父。囊撲二弟。遷母于雍。殘戮諫士。桀紂之行。不至是矣。今天下聞之。盡瓦解。無向秦者。竊為陛下危之。乃解衣伏質。王下殿。手接之。爵以上卿。自駕虛左。方迎太后歸。復為母子如初。

正冠坐齋

劉宋沈文秀守東陽。魏人圍之三年。士卒晝夜拒戰。甲冑生蟻。無離叛之志。至是。魏人拔東陽。文秀解戎服。正衣冠。持節坐齋內。魏人執之。縛送慕容白曜。使之拜。文秀曰。各兩國大臣。何拜之有。白曜還其衣。為設饌。鎖送平城。魏主宥之。待為下客。

漆身吞炭

見市。

噙雪咽旃

漢武帝天漢元年遣中郎將蘇武使匈奴。單于欲降之。不從。乃幽武置大窖中。絕不飲食。天雨雪。武噙雪與旃毛并咽之。數日不死。匈奴以為神。乃徙北海。上使牧羝。曰羝乳乃得歸。武杖節牧羝。節旄盡落。流匈奴十九年。及還。鬚髮盡白。

不謀舊國

樂毅去燕之趙。趙王欲圖燕。泣曰。臣事昭王。猶事大王。若獲戾放於他國。終身不敢謀趙之徒隸。况昭王後嗣乎。

不忘本朝

唐李世勣父蓋為竇建德所虜。世勣走免。數日。以父故。還詣建德降。因謀俟建德至河南。掩襲其營。殺之。冀得其父。并建德土地歸唐。建德父之不至。遂與郭孝恪帥數十騎奔唐。建德羣臣請誅李蓋。建德曰。世勣世為唐臣。為我所虜。不忘本朝。乃忠臣也。其父何罪。乃赦之。

不用王氏祖臘

見臘日。

不受高氏辟署

朱梁以高季昌為荆南節度使。西魏依政。進士梁震。唐末登第。歸蜀。過江陵。高季昌愛其才。識留之。欲奏為判官。震

耻之。欲去。恐及禍。乃曰。震素不慕榮宦。明公不以為愚。必欲使參謀議。但以白衣侍樽俎可也。季昌許之。震終身止。稱前進士。不受高氏辟署。季昌甚重之。呼曰前輩。按依政。西魏縣名。屬邛州。震邛州依政人。

奕世忠義

形音同。蜀志。先主退軍義陽。傅彤斷後拒戰。兵人多少。吳將語彤。令降。彤罵曰。吳狗。豈有漢將軍降者。遂戰歿。拜其子儉為左中郎將。後為關羽都督。景耀六年。臨危授命。論者嘉其奕世忠義。

一門忠義

梁侯景使侯子鑒陷吳興。或勸吳興太守張嶮效袁君正

迎降。嶮嘆曰。吾豈不知此難。久全。但以身許國。有歿無貳耳。戰敗還府。整服安坐。子鑒執送建康。景欲活之。嶮曰。吾忝任專城。朝廷傾危。速歿為幸。景猶欲存其一子。嶮曰。吾一門已在鬼錄。不就爾虜求恩。景怒。盡殺之。綱目發明曰。張嶮明于處歿。遂使一門為忠義之鬼。其視袁君正之徒。真狗彘之不若也。

引弓射景

梁侯景愛永安侯確之勇。嘗置諸左右。及景反。邵陵王綸潛遣人呼之。確曰。景輕佻。一夫力耳。我欲手刃之。恨未得其便。卿還啟家王。勿以確為念。景與確遊鍾山。確引弓射鳥。因欲射景。弦斷不發。景覺而殺之。綱目書法。侯景之亂。



武帝子孫臨難無愧永安侯一人而已。

### 奪笏擊泚

唐朱泚反。召李忠臣。源休。姚令言。及段秀實。議稱帝事。秀實勃然起。奪休象笏。前唾泚面。大罵曰。狂賊。吾恨不斬汝。萬段。豈從汝反耶。因以笏擊泚面。中其額。濺血灑地。忠臣前助泚。泚得脫走。

### 出身狗主

周赧王時。楚頃襄王病。黃歇侍楚太子。元於秦。與太子謀曰。王疾病。而陽文君之子二人在中。王若卒。大命。陽文君之子。必立為後。太子不得奉宗廟矣。乃教太子變服為楚使者。御以出關。而自為守舍。謝病。度已遠。乃自言請必。王怒欲斬之。應侯曰。歇出身以狗主。太子立。必用歇。不如歸之以親楚。王從之。

### 以身衛帝

晉惠帝永興元年。東海王越奉帝征成都王穎。穎遣兵拒戰。乘輿敗績於蕩陰。帝頗中三矢。百官侍御皆散。前侍中嵇紹朝服登輦。以身衛帝。兵人引紹斫之。帝曰。忠臣也。勿殺。對曰。奉太弟令。惟不犯陛下。一人耳。遂殺紹。血濺帝衣。帝墮于草中。亡六璽。

### 受劍啣鬚

范曄後漢書。溫序為護羌校尉。行部為隗囂將荀宇等所劫。序曰。受國重任。分當效死。義不貪生。宇賜以劍。序受劍。

斬鬚於口。顧左右曰：「既為賊所迫殺，無令鬚汚土。」遂自殺。

引刀刺心

唐田布度軍且亂，嘆曰：「功無成矣，即為書謝帝曰：『臣觀衆意終必負國，臣無功不敢忘死，願速救元翼，毋使忠臣義士塗炭於河朔。』」授書於從事李石，乃引刀刺心曰：「上以謝君父，下以示三軍，言訖而死。」

耻復仕宋

陶潛自以先世為晉輔，耻復屈身後代。自宋高祖王業漸隆，不肯復仕。是歲將復徵之，會卒。世號靖節先生。

示不臣劉

晉安帝義熙十一年，太尉劉裕帥師擊荊州都督司馬木之。休之上表罪狀裕，裕密書招休之，錄事韓延之延之。復書曰：「吾誠鄙劣，嘗聞道於君，以平西之至德，寧可無授命之臣乎？假今天長喪亂，九流渾濁，當與滅洪遊地下耳。裕視書嘆息，以示將佐曰：「事人當如此矣。」延之以裕父名翹，字顯宗，乃更其字曰顯宗，名其子曰翹，以示不臣劉氏。注云：休之嘗為平西將軍故云。

哭昭烈廟

魏鄧艾將兵至成都，漢後主遣使奉璽綬詣降。北地王謀怒曰：「若理窮力屈，禍敗將及，便當父子君臣背城一戰，同死社稷，以見先帝可也。奈何降乎？」帝不聽。謀哭於昭烈之廟，先殺妻子，而後自殺。帝別勅姜維使降，漢遂亡。

哭玄元廟

見將帥上。

造棺置廳

魏立貴妃高氏為后。高肇益貴重用事。怨聲盈路。羣臣宗室皆卑下之。東平王元匡獨與抗衡。先造棺置廳事。欲與棺詣闕。論肇罪。自殺以諫。肇惡之。竟貶其官。後肇伏誅。元匡為中尉。復治故棺。奏任城王澄罪狀。廷尉處以死刑。詔削官爵。而以侯剛代之。郎中辛雄奏曰。匡歷奉三朝。骨鯁之迹。朝野具知。先帝已容之于前。陛下亦宜寬之于後。由是復除匡為平州刺史。

懷節詣闕

唐以夏侯端為秘書監。安撫淮左。時河南之地皆入上世克。淮杞州刺史李公逸為唐堅守。世克遣使召端。解衣遺之。送除書。以端為淮南郡公。端對使者焚書毀衣曰。夏侯端。天子大使。豈受王世克官乎。汝欲吾往。唯取吾首耳。因解節旄。懷之。置於竿。自山中西走。晝夜兼行。得達宜陽。詣闕見唐祖。但謝無功。初不自言艱苦。唐主復以為秘書監。

追還一女

魏以崔楷為殷州刺史。楷表乞兵糧不得。或勸楷單騎之官。楷曰。吾獨往。將士誰肯固志哉。遂舉家之官。後葛榮逼城。或勸滅弱。小避之。楷遣幼子及一女夜出。既而悔之曰。

山堂集卷五  
人謂吾心不固。虧忠而全愛也。遂追還賊至。將士爭奮曰。崔公尚不惜百口。吾屬何愛一身。

不顧二兒

綱目王世充選驍勇集洛陽。屈突通二子在洛。唐主謂通曰。今欲使卿東往。如卿二兒何。通曰。臣昔為俘囚。分當就死。陛下釋縛。加以恩禮。當是時。臣心口相誓。期以更生。餘年為陛下盡節。今得備先驅。二兒何足顧乎。唐主嘆曰。狗義之士。一至此乎。

為郡乞師

唐玄宗時安祿山反。加顏真卿河北採訪使。清河客李萼年二十餘。為郡人乞師於真卿。且願資以粟帛器械。真卿

欲與之兵。眾以為萼少。輕慮。必無所成。真卿辭之。萼就館。復為書說真卿曰。清河去逆。效順。奉粟帛器械以資軍。公乃不納。而疑之。僕回轅之後。清河不能孤立。必有所繫。託將為公西面之強敵。公能無悔乎。真卿大驚。遽請其館。以兵六千借之。

為國討賊

唐安祿山反。常山太守顏杲卿。晝夜拒戰。糧盡矢竭。城遂陷。賊將杲卿及袁履謙等送洛陽。祿山數之曰。我奏汝為判官。不數年為太守。何負於汝而反。杲卿罵曰。汝本營州牧羊羯奴。天子擢汝為三道節使。恩幸無比。何負於汝而反。我世為唐臣。祿位皆唐有。豈從汝反耶。我為國討賊。恨

不斬汝何謂反也。祿山怒縛之天津橋柱節解以肉敬之。罵不絕口。賊鈎斷其舌曰。復能罵否。果卿舍胡而死。又御史中丞盧奕。杞之父也。留守東都。聞祿山之亂。遣家屬入京。誓以守死。及賊至。奕朝服持印坐廳事。以見賊。因數其罪。臨刑西向再拜。罵不空口。

### 臥起抱符

宋洪皓在金虜。抱印符臥起十五年。金人啗以美官。略不動心。身雖在虜。心不忘宋。嘗以大讐未復為耻。

### 臥起懷印

宋朱弁副王倫使金。金將議和。當遣一人受書還。欲弁與倫探策。決去留。弁曰。吾來自分必死。豈應今日覲幸先歸。

願正使受書歸報天子。倫將歸。弁謂曰。古之使者。有節。以為信。今無節。有印。印亦信也。願留之。使弁得暴疾。以死。不腐矣。倫解以受弁。弁受而懷之。臥起與俱。金人迫弁仕。劉豫弁曰。豫國賊。吾恨不食其肉。又忍北面臣之。吾有死耳。金人怒。絕其餼。遺以困之。弁固拒驛門。悉饑待盡。誓不為屈。

### 昂發書凡

宋池州守王起宗。聞元軍渡江。棄官去。通判趙昂發攝州事。繕壁聚糧。為固守計。元遊騎至李王河。都統張林屢諷之降。昂發忿氣填膺。瞠目視林。林不敢復言。已而林帥兵巡江陰。遣人納款。而陽助昂發為守。昂發知事不濟。謂妻

雍氏曰。城將破。吾守臣不當去。汝先出走。雍曰。君為忠臣。我獨不能為忠臣婦乎。元兵薄城。昂發晨起書几上曰。國不可背。城不可降。夫婦同歿。節義成雙。遂與雍氏同縊於從容堂。

### 萬里扁亭

元兵陷饒州。知州事唐震。及故相江萬里歿之。初萬里聞襄樊破。鑿池芝山後園。扁其亭曰止水。人莫諭其意。至是執門人陳偉器手曰。大勢不可為。余雖不在位。當與國為存亡。遂赴止水歿。左右及子鎬相繼投沼中。

### 縱火自焚

宋徐應鑣。字巨翁。衢之江山人。咸淳末。補太學生。帝昀德

鑣音鑣  
鑣音顯

祐二年。元伯顏次師皋亭山。以帝與皇太后全氏及福王等皆北行。應鑣與其子鄉貢士曰琦。曰崧。女元娘。誓不從。太學乃故岳飛第。有飛祠。應鑣具酒。殺祀飛祠。曰。天不佑宋。社稷為墟。應鑣以歿報國。誓不與諸生降虜。乃率子女入經德齋。登梯雲樓。積諸房書冊。四周縱火自焚。一小僕見火起。至樓下。穴牖視之。見鑣父子儼坐如塑。驚報諸僕。壞壁撲滅之。鑣得不歿。與子女怏怏出戶去。倉卒莫知所之。翌日得尸於祠前井中。皆僵立。瞪目如生。諸僕為具棺殮殯于西湖金牛僧舍。

### 酌酒自縊

宋欽宗至自金營。遣劉齡如兩河。割地以畀金。金人使韓

鑣音鑣

正謂諡曰國相知君。今用君矣。又曰：軍中議立異姓，欲以君為正代，與其徒歟。不若北去取富貴，諡仰天大呼曰：「有是乎？」歸書片紙，使親信持歸報其子羽，即沐浴更衣，酌卮酒而自縊。

引頸受刃

帝音拂元兵破潭州，知州事李芾坐湘熊閣，乃帳下沈忠遺之金曰：「吾力竭，分當歿。吾家人亦不可辱於俘。汝盡殺之，而後殺我。忠伏地叩頭辭，以不能。芾固命之，忠泣而諾。取酒飲其家人，盡醉，乃徧刃之。芾亦引劉受刃。忠縱火焚其居，還家殺其妻子。復至火所，大慟，舉身投地，乃自刎。幕僚陳億等皆死。潭民間之，皆舉家自盡，城無虛井。縊林木者相望。

浮歿執弓

宋度宗咸淳七年，李庭芝使都統張順等救襄陽，造輕舟百艘，乘風破浪，直犯重圍。至磨洪灘，元兵布舟蔽江，無隙可入。順等乘銳，斷鐵紆，攢棹數百，轉戰二十里。元兵皆披靡，以避其鋒。黎明，至襄陽城下。城中久絕援，聞順等至，踴躍過望。及收軍，獨失順。越數日，有浮歿溯流而上，披甲胃，執弓矢，直抵浮梁，視之，則順也。身中四創，六箭，怒氣勃勃如生。諸軍驚以為神，結塚歛葬之。

立信撫膺

宋江淮招討使汪立信聞賈似道師潰，江漢中巨望風降。道嘆曰：「吾今猶得死於宋土也。」乃置酒召賓佐，與訣，手自

為表起居三宮與從子書屬以家事夜分起步庭中慷慨  
悲歌握拳撫膺者三以是失聲三日扼吭而卒後元軍至  
建康命求其家厚恤之曰忠臣之家也又楊邦乂建炎中  
倅建康金兵大至公刺血書襟曰寧為趙氏鬼不作他邦  
臣

### 文龍指腹

元軍至興化軍知軍事陳文龍使部將林華伺元兵于境  
上華反導元兵至城下通判曹澄開門降執文龍欲降之  
文龍指其腹曰此皆節義文章也可相逼耶卒不屈乃械  
送杭州文龍不食歿

### 求王如溫

帝昀德祐二年楊應奎自元軍還言伯顏欲執政面議大  
后遣文天祥與吳堅偕往伯顏執天祥北去天祥至鎮江  
夜亡入真州即以書遺李庭芝遣使四出結約庭芝疑天  
祥來說降也使苗再成殺之再成見其忠義不忍殺以兵  
二十人道之如揚天祥變姓名為清江劉洙東入海道遇  
元兵伏環堵中得免二樵者以簣荷天祥至高郵嵇家庄  
嵇登迎天祥至其家遣子德潤衛送至泰州遂由通州泛  
海如温州求二王按二王者蓋王衛王也

### 負帝赴海

昀音丙此兵既逼陳宜中張世傑備海舟奉帝昀及衛王昀楊太  
妃等登舟與此舟相遇值大霧海晦冥不辨舟得以進帝



至井澳。颶風壞舟。帝得驚疾而崩。羣臣陳宜中輩多欲散去。陸秀夫與眾共立衛王。後遷于新會之崖山。元張弘範襲崖山。世傑兵潰。秀夫負帝赴海。以之。宋遂亡。時御舟一白鷗奮擊哀鳴。與籠俱墜水以死。

山堂肆考人品第六卷

○功臣

周禮夏官司勳掌六卿賞地之法。以等其功。王功曰勳。國功曰功。民功曰庸。事功曰勞。治功曰力。戰功曰多。凡有功者。銘書于王之太常。祭於大丞。司勳詔之。

封于營丘

周武王克商。封功臣謀士。以師尚父為首。封于營丘。是為齊。

封于曲阜

武王封周公旦于曲阜。是為魯。召公奭于燕。餘各以次受

封

賜圭瓚

召穆公平淮南夷。周宣王賞其功。賜之圭瓚。秬鬯。以祀其先祖。山川土田。以廣其封邑。遂賜之策命。

賜弓矢

左僖二十八年。晉文公敗楚于城濮。獻俘于王。王命尹氏及王子虎。內史叔興父。策命晉侯為侯伯。賜之大輅戎輅之服。彤弓一。彤矢百。張弓矢千。秬鬯一。卣。虎賁三百人。按彤。赤色之弓。張。黑色之弓。矢千。則弓十可知。秬。黑黍。鬯。香酒。卣。器名。

紀于太常

張音盧  
卣音酉

見世宦

藏在盟府

見賞賜

伐陳有功

左僖二十三年。楚成得臣伐陳。討其貳于宋也。遂取焦夷。城頓而還。子文以為之功。使為令尹。叔伯曰。子若國何。對曰。吾以靖國也。夫有大功而無貴仕。其人能靖者與。有幾。按得臣。字子玉。大心其子也。

獲狄有功

見薦舉

有功于衛

孔氏四代有功于衛。至孔悝又有功焉。衛莊公美之。勅於鼎以旌之也。勅鼎見禮祭統。

有勞于晉

左昭三年。鄭簡公如晉。公孫段相。甚敬而卑。禮無違者。晉平公嘉焉。授之以策。曰。子豐有勞于晉國。余聞而弗忘。賜汝州田。以昨乃舊勳。伯再拜稽首。受策以出。君子曰。禮其人之急也乎。伯石之法也。一為禮于晉。猶荷其祿。况以禮終始乎。按子豐。公孫段之父。伯石。即公孫段。

報滅吳功

越語。吳王使王孫雄行成于越。范蠡不報于王。擊鼓興師。以隨使者。至姑蘓之宮。不傷越民。遂滅吳。乘輕舟。浮五湖。

莫知所終。越王命工以良金寫蠡狀。而朝禮之。決日而令大夫朝之。環會稽三百里者。以為蠡地。曰。後世子孫有敢侵蠡之地者。使無終沒于越國。皇天后土。四鄉地主。正之。賞復楚功。

吳戰敗楚師于柏舉。遂入郢。昭王奔隨。申包胥謀復之。昭王反國。賞其功。申包胥曰。昔為君也。今君定矣。又何求。遂逃賞。

定功臣位次

漢高祖詔定元功十八人位次。皆曰。曹參功最多。宜第一。鄂千秋進曰。參雖有野戰畧地之功。此特一時之事耳。上與楚相距五歲。失軍亡眾。跳身遁者數矣。蕭何嘗從關中。

山堂集卷之二  
遣軍補其處。又軍無見糧。何轉漕關中。給食不乏。陛下雖  
數亡山東。何常全關中以待陛下。此萬世之功也。柰何以  
一旦之功。而加萬世之功哉。何第一。參次之。上曰善。賜何  
帶劔履上殿。入朝不趨。封鄼侯。參封平陽侯。張敖宣平侯。  
周勃樊噲舞陽侯。酈商曲陽侯云云。

完功臣爵土

東漢光武思欲完功臣爵土。不令以吏職為過。遂罷左右  
將軍官。耿弇等亦上大將軍印綬。皆以列侯就第。

剖符定封

漢高以陳平從征伐。數出奇計以定天下。乃剖符定封。以  
平為戶牖侯。

增邑更封

光武建武中。大享將士諸功臣。增邑更封。凡三百六十五  
人。其外戚恩澤封者。四十五人。定封鄧禹為高密侯。食四  
縣。李通為固始侯。賈復為膠東侯。食六縣。已沒者益封其  
子孫。或更封支庶。

勲銘景鐘

國語晉悼公即位曰。昔晉克潞氏之役。秦米圖敗晉功。魏  
顛以身却退秦師于輔氏。親止社回其勲。銘于景鐘。景鐘  
景公之鐘也。

世奉粵祀

漢高五年。詔故粵王之諸世奉粵祀。初秦侵奪其地。使社

稷不得血食。及諸侯伐秦。亡諸身帥閩中兵以佐滅秦。項羽廢而不立。至是以為閩粵王。王閩中地。

### 圖于麟閣

漢宣帝地節中。以戎狄賓服。思股肱之美。乃圖其人于麟閣。署其官爵姓名。惟霍光不名。其次張安世。韓增。趙充國。魏相。丙吉。杜延年。劉德。梁丘賀。蕭望之。蘇武。凡十一人。

### 圖于雲臺

東漢明帝永平中。思中興功臣。乃圖二十八將于南宮雲臺。以鄧禹為首。次馬成。吳漢。王梁。賈復。陳俊。耿弇。杜茂。寇恂。傅俊。岑彭。堅鐔。馮異。王霸。朱祐。任光。祭遵。李忠。景丹。范修。蓋延。邳彤。姚期。劉植。耿純。臧宮。馬武。劉隆。又益以王常。

李通。竇融。卓茂。合三十二人。馬援以椒房之親不與。

### 矜平蜀功

魏鄧艾字士載。平蜀功多。深自矜伐。有識者笑之。

### 論平吳功

晉武帝咸寧元年。加羊祜征南大將軍。初祜上疏請伐吳。賈充荀勗馮護為不可。祜嘆曰。天與不取。豈非更事者恨于後時哉。唯杜預與中書令張華贊成其計。未幾祜疾篤。舉杜預自代而卒。及吳平。羣臣皆賀。上執爵流涕曰。此羊太傅之功也。封拜平吳功臣。又策告祜廟。封其夫人為萬歲鄉君。食邑五千戶。

### 圖凌煙閣

唐貞觀十七年。詔圖功臣于凌煙閣。長孫無忌。趙郡王孝恭。杜如晦。魏徵。房玄齡。高士廉。尉遲敬德。李靖。蕭瑀。段志玄。劉弘基。屈突通。殷開山。柴紹。長孫順德。張亮。侯君集。張公謹。程知節。虞世南。劉政會。唐儉。李世勣。秦叔寶等。二十四人。

圖顯謨閣

宋徽宗崇寧三年。圖熙寧元豐功臣于顯謨閣。乃王安石。呂惠卿。章惇。蔡確之輩。

坐安社稷

唐太宗面定勲臣長孫無忌爵邑。諸將爭功不已。淮安王神通曰。臣舉兵關西。首應義旗。房玄齡。杜如晦等。專弄刀筆。功居臣上。臣竊不服。上曰。義旗初起。叔父首唱。舉兵蓋亦自營脫禍。竇建德吞噬山東。叔父全軍覆沒。劉黑闥再合餘燼。叔父望風奔北。玄齡等運籌帷幄。坐安社稷。於功行賞。固宜居叔父之先。

收復京城

唐李晟收復京城。朱泚亡走。其將韓旻斬之以降。德宗車駕還長安。以晟為鳳陽隴右節度等使。進爵西平王。

魏徵正違

唐太宗宴羣臣。謂曰。貞觀以前。從我定天下。間闢草昧。房玄齡功也。貞觀以後。進忠諫。正朕違闕。為國家長利。魏徵力也。親解佩刀以賜二人。

德裕扞難

唐李德裕以身扞難功流社稷

安集于寘

東漢和帝永元五年以軍司馬班超擊匈奴有功詔曰先帝使軍司馬安集于寘以西出入二十三年改立其王而綏其人不動中國不煩人士得遠夷之和同異俗之心而致天誅蠲宿耻以報將士之讎其封超為定遠侯邑千戶

擊破突厥

唐太宗時突厥入寇王君廓擊破之帝大悅徵之入朝賜御馬令殿廷乘之而去又嘗謂侍臣曰君廓往擊竇建德發憤大呼曰與鼻耳一時流血如此壯氣何謝古人不可

以常例賞之復賜錦袍金帶還領幽州

受孫皓詣降

晉龍驤將軍王濬以舟師入石頭吳主皓出降武帝封拜平吳功臣王濬王渾功不已帝乃進渾爵為公以濬為輔國大將軍封縣侯濬自以功大而為渾父子黨與所抑不勝忿憤益州護軍范通謂曰卿功則美矣而所以居功則未盡善也卿旋旆之日角巾私第口不言平吳之事若有問者輒曰聖主之德羣帥之功老夫何力之有此藺生所以屈廉頗也

誘少誠歸國

唐韓全義為淮西行營招討使班師過闕下託疾不入謁

令司馬崔放見帝謝無功。帝曰。全義誘吳少誠歸國。其功大矣。何必殺敵。乃為功耶。

功蓋一世

德宗卽位。以郭子儀禦吐蕃有大功。詔攝冢宰。賜號尚父。封汾陽王。史臣裴垍稱其權傾天下而衆不忌。功蓋一世。而主不疑。

功被八州

見觀察。

平南唐功

宋太祖開寶中。潘美以行營諸軍都部。征嶺南。旣平。拜山南東道節度使。復從曹彬平南唐。以功拜宣徽北院使。及

征太原。討范陽。封代國公。改忠武節度使。進韓國公。謚武惠。

平北漢功

太平興國中。以平北漢功。齊王廷美進封秦王。薛居正加司空。沈倫加左僕射。盧多遜兼兵部尚書。曹彬兼侍中。白進超。崔。劉廷翰。田重進。米信等。俱進秩有差。

迎鑾功

五代梁太祖自岐還。將吏皆賜號。迎鑾協贊功臣。

啟運功

唐孔緯累遷尚書左僕射。賜號持危啟運功臣。

○義士



傳曰仁者不以盛衰改節義士不以存亡易心

嬰匿趙孤

史記趙朔為屠岸賈攻滅朔有遺腹子朔夫人置兒袴中得脫朔客公孫杵臼謂程嬰曰胡不歿嬰曰歿易立孤難杵臼曰吾為其易子為其難乃謀取他人嬰兒負之以文祿匿山中嬰謬謂諸將曰吾知趙孤處諸子發兵隨之公孫杵臼謬呼曰趙氏孤兒何罪請活之諸將殺杵臼與孤兒然趙氏真孤乃反在程嬰為匿十五年因韓厥立之是為趙武程嬰自殺曰我將下報宣孟與公孫杵臼武為服齊衰三年為之祭邑

成匿李孤

見姊妹

與祿助蒸嘗

唐柳仲郢先為牛僧孺辟客後李德裕知其無私奏為京尹仲郢謝曰不期太尉恩獎及此仰報盛德敢不如奇章公門館大中朝李氏有無祿仕者仲郢方領鹽鐵特取衛公兄子從質為推官知蘓州院令以祿利贍南宅時令孤絢為相不悅仲郢與絢書曰任安不去嘗自愧于昔人吳詠自裁亦何施于今日李太尉受責既久其家已空遂絕蒸嘗誠可痛惻絢深嘆美與從質正員官

分俸贍陵替

李後主葬北邙故吏張必後官河南每清明親拜其墓哭

之甚哀李氏子孫陵替者必嘗分俸賂給之

贖歸石父

史記越石父賢在縲絏中晏子出遭之途解左騾贖之載  
歸弗謝入問人之越石父請絕晏子懼然攝衣冠謝曰嬰  
雖不仁免子于厄何子來絕之速也石父曰吾聞君子詘  
于不知已而信于知己者吾方在縲絏中彼不知我也夫  
子既以感悟而贖我是知己知己而無禮固不如在縲絏  
中晏子于是延入為上客

營歸仲翔

唐郭仲翔元振弟之子也元振以託姚州都督李蒙蒙表  
為判官時吳保安以仲翔同里見仲翔曰願得因子得事

李將軍仲翔力薦之蒙表為掌書記後蒙與姚雋蠻戰敗  
沒仲翔亦被執蠻人必求千緡乃肯贖會元振物故吳保  
安欲營歸仲翔苦無貲乃力居賃十年得緡七百都督楊  
安又以官資助之保安即委與蠻得仲翔歸後仲翔為代  
州戶曹保安為彭山丞客死其妻亦沒喪不克歸仲翔曰  
吾賴吳公生吾死今親沒可行其志矣乃為服練經囊骨  
徒跣負歸廬墓三年後仲翔又為嵐風長史迎保安子為  
之娶妻而讓以官

耻漏名籍

東漢靈帝時復治鈞黨殺司隸校尉李膺等百餘人門生  
故吏並被禁錮侍御史景毅子顯為膺門徒未有錄牒不

山堂... 卷之... 八... 三

及於謹毅慨然曰本謂膺賢遣子師之豈可漏脫名籍苟安而已遂自表免歸

### 專取仁義

東漢山陽高平人張儉亡命困迫望門投止莫不重其名行破家相容後流傳東萊止李篤家外黃令毛欽操兵到門篤引欽就席曰張儉負罪豈得藏之若審在此此人名士明廷寧宜執之乎欽因起撫篤曰遂伯玉耻獨為君子足下如何專取仁義篤曰今欲分之明廷載半去矣欽嘆息而去

### 致米乞貧民

東漢梁商字伯夏常曰多藏厚已為子孫累所得俸錢及兩宮賞賜便置中門外未嘗入藏悉分與昆弟中外年凶穀貴多有饑者輒令蒼頭以牛致米及鹽菜錢於四城門外乞貧民不告以姓名

### 舉柩葬貧士

元杭人王溪月名壽衍字眉叟少為道士後管領浙之開元宮時浙省都事劉時中海內名士也既卒貧無以為葬眉叟親往弔哭周其遺孤舉其柩葬于德清與已之壽穴相近春秋祭掃不闕人以為難

### 裴度還帶

裴度字中立河東聞喜人相者謂曰公形神稍異若不貴必餓死度一日度香山寺見一婦人置緹絹於簞欄楯上

緹音威  
楯音忍

祈祝良久不取而去。度追付不及，待亦不至。乃執歸，遲明復往寺候之。婦人果至，公問故，答曰：「父無罪被繫，昨告人假得玉帶一，犀帶二，以賂要津，不幸失于此。老父不測之禍，無所逃矣。度遂還其帶，婦人請留其半，公不受而還之。後相者見之，大驚曰：「公陰德及物，前程萬里，非吾術所能知也。」

### 思永還釵

宋彭思永，字秀長，八九歲時晨出就學，得金釵於門外，默坐其處以候訪者。有一吏徘徊久之，問故，果墜釵者，即付之。吏謝以金，不受。吏嘆駭而去。又漁陽竇禹鈞三十無子，元夕往延慶寺燒香，忽於後殿階側拾得銀貳百兩，金三

十兩，持歸。明日詣寺候物主還之。後公至，諫議五子皆登科。

### 散絹助親

見宗族

### 出金付工

唐李勉，字玄卿，少貧，客遊梁宋，與諸生共逆旅。諸生病且死，出白金謂勉曰：「左右無知者，幸君以此為我葬，餘即君自取。」勉許諾，既葬，餘金置棺下。後其家謁勉，共啟墓，出金付之。

### 不負名賢

晉兵伐吳，張巨先督沈瑩、諸葛靚等逆之，于渚吳軍大敗。

靚欲遁去使迎巨先。巨先不肯去。靚自往牽之曰：天下存亡自有大數。豈卿一人所支。何故自取恥辱。巨先流涕曰：仲思今日是我次日也。我作兒童時。便為卿家丞相所拔。常恐不得其死。貧名賢知顧。今以身殉社稷。復何所道耶。莫牽曳我。靚流涕放之。去數百步。見巨先為晉軍所殺。按巨先。悌字。襄陽人。仲思。靚字。誼之子。

為殯孤嫗

晉劉麟之。字子驥。盛德為當時所推。百里外有孤嫗。病將死。語人曰：唯有劉長史當埋我耳。子驥親往候之。值終為治棺殯。

收養孤弱

吳陸瑁。字子璋。丞相遜族弟。官至選部尚書。與同郡徐原素不相識。原臨歿。遺書托以孤弱。瑁為起墳。收養其子。又從父績早亡。一子一女皆數歲。瑁迎養至長。乃別。

叩解鬪爭

嵇康高士傳。高鳳。字文通。居鄉時。鄰里有爭財者。持兵而鬪。文通往解之。不已。乃脫巾叩頭請曰：仁義遜議。奈何棄之。爭者投兵謝罪。

米困濟之

吳魯肅以賑窮為務。甚得邑人歡心。周瑜為居巢長。將數百人過候肅。并告資糧。肅家有二困米。各二千斛。乃指一困與瑜。瑜益知其奇也。遂相結定僑札之分。按僑札。子產

困屈正聲

季札也。

麥舟助喪

宋范純仁少時。父文正公遣到蕪州。販麥五百斛。見故人曼卿。三喪未畢。留滯丹陽。純仁即以麥舟付之。單騎竟歸。至家。文正曰。東吳見故舊否。公道曼卿事。曰。何不以麥舟與之。純仁曰。已付之矣。

乞人填門

東漢尚書令符稚。為人樂施。乞人填門。嘗曰。天下物何常。吾今日富。後日貧耳。忽一日不施。則意不泰。

刺客守墓

魏以王慧龍為滎陽太守。宋主遣刺客呂玄伯刺之。玄伯

詐為降人。求屏人語。慧龍疑之。吏探其懷。得尺刀。玄伯請死。慧龍曰。各為其主耳。釋之。後慧龍卒。玄伯守其墓。終身不去。

乞分食邑

魏曹真少與宗人曹遵。鄉人朱讚。並事太祖。二人早亡。真乞分所食邑。封二人子。詔褒美之。

為置產業

張裔。字君嗣。與楊恭善。及恭早死。遺孤尚未成人。裔迎與分屋而居。同事恭母。恭子長。為置產業。使立門戶。

請兵赴難

曹操圍張超於雍丘。超曰。惟臧洪當來救吾。眾曰。袁曹方

睦洪為袁所表用。必不敗。好以招福。超曰。子源天下義士。終不背本。洪時為東郡太守。徒跣號泣。從紹請兵。將赴其難。紹不與。雍立遂潰。超自殺。洪怨紹。絕不與通。紹殺之。洪邑人陳容少親慕洪。時在紹坐。起謂紹曰。將軍舉大事。而先誅忠義。豈合天意。使人牽出。謂曰。汝非滅洪濤。空復爾為。容顧曰。仁義豈有常。蹈之則為君子。背之則為小人。今日寧與滅洪同日而死。不與將軍同日而生。遂復見殺。在坐無不嘆息。

### 詣獄明冤

晉惠帝時。宦人孟玖有寵於成都王穎。欲用其父為邯鄲令。右司馬陸機固執不可。玖深怨之。及長沙王又奉帝與

穎戰。玖弟超為小督。不受機節度。輕兵獨戰。敗。玖疑機殺之。譖於穎曰。機有二心於長沙。穎怒。使牽秀收機。殺之。又收機弟雲。及司馬孫拯下獄。以拯嘗勸機殺超也。玖扶穎入。催令殺雲。夷三族。獄吏掠拯數百兩。裸骨見。終言機冤。玖等令獄吏詐為拯辭。亦夷三族。拯門人費慈。宰意詣獄。明拯冤。拯譬遣之曰。吾義不負二陸。死自吾分。卿何為爾耶。曰。君既不負二陸。僕又安可負君。固言拯冤。玖又殺之。

### 劉鄩申冤

唐李德裕以朋黨。抱誣死海上。令孤絢久當國。更數赦。不為復官爵。至懿宗立。絢去位。劉鄩乃申其冤。復其官爵。世

裸音瓦

高其義。

多祚誅逆

唐張柬之將誅二張。以李多祚素有節槩。可動以義。乃從容謂曰。將軍居北門幾何。曰三十年矣。將軍擊鐘鼎食。貴重當世。非大帝恩乎。多祚泣數行下。曰。死且不忘。柬之曰。將軍知感恩。則知所以報。今在東宮。乃大帝子。而嬖豎擅權。危逼宗社。國家廢興。在將軍。答曰。苟利王室。惟公所使。乃引天地以自誓。柬之遂與定謀。以敬暉李湛為右羽林將軍。命總禁兵。與多祚王同皎請太子至玄武門。斬關入。及長生殿。白武后曰。諸將誅逆臣張易之張昌宗。恐漏大謀。不敢豫奏。頓首請歸。武后病臥。顧李湛曰。我遇而父子

不薄。亦豫是耶。

恐負程黑子

見東宮官。

不負賀拔碁

卷首忌

唐王丞相起。字舉之。再主文柄。欲以白敏中為狀元。病其人與賀拔碁為友。碁有文而落拓。丞相密令親知通意。敏中使與碁絕。復約敏中為具。敏中許之。既而碁果造敏中。問左右。給以敏中他適。碁遷留不言而去。俄頃敏中躍出。呼左右召碁。悉以實告。且曰。一第何門不可致。奈何輕負至交。相與歡醉而寢。前人來見之。大怒而去。具言于丞相。丞相曰。我比只得白敏中。今當更取賀拔碁矣。



餽錢濟餒

劉宋劉凝之。隱居荊州。年饑。衡陽王義季慮疑之。餒斃餉錢十萬。凝之大喜。將錢至市門。觀有饑色者。悉分與之。頃刻而盡。

歛錢治裝

宋王回。哲宗時為睦親宅講書。與司諫鄒浩善。劉皇后立。浩論之。及浩南遷。人莫敢顧。回獨歛交游錢與治裝。往來經理。且慰安其母。選者以聞。詔下獄。衆為之懼。回居之。宴如。御史詰之。對曰。實嘗預此。不敢欺也。

收葬生骸

益部耆舊傳。王忱。字少林。詣京師。於客舍見書生病甚。生

曰。我命須臾。腰下有黃金十斤。願以相與。乞收葬骸骨。木問姓名。因絕。忱賣一斤以給棺絮。九斤置生棺下。後忱為大度亭長。有駿馬馳入亭而止。大風吹繡被墜前。忱乘馬到雒縣。馬逸入他舍。主人曰。此我家馬也。因問所由。得馬。忱具說其狀。并及繡被。人曰。卿何陰德而致此。忱因言葬書生事。主人張然曰。我子也。姓金。名彥。大恩又不報。天以此彰卿德耳。

收瘞陵骨

宋唐珏。字玉潜。會稽山陰人。家貧。聚徒授經。營滄。隨以養母。元至元十五年戊寅。總江南浮屠楊璉真。怙寵橫行。率其黨頓蕭山。發宋家諸陵。寢斷殘肢體。棄骨草莽間。珏

珏音角  
滄音上  
繼音廣

聞之痛憤。亟貸家具。并行貸通。得白金。具酒醪。邀里中少年若干輩。仰坐轟飲。少年起請曰。君儒者。若是將何為焉。珏參然具以告。願收遺骸。共瘞之。衆謝曰。諾。乃斲木為櫃。復以黃絹為囊。各置其表。曰。某陵某陵。分委而散。遣之。各蒞地以藏。詰旦。事訖來集。出白金酬之。戒勿泄。越七日。總浮屠下。令哀陵骨。雜馬牛枯骼。築一白塔。壓之名曰鎮南。杭民悲戚。不忍仰視。了不知陵骨之猶存也。明年上元。珏出觀燈歸。忽坐殞。良久始甦。曰。吾見持書吏來告曰。王召君。因導我往謁。有冕旒坐殿上者。黻黃衣。貴人。隆揖曰。籍君掩骸。其有以報。珏乃陞陞造王前。王謂曰。汝受命寡且貧。兼無妻若子。今忠義動天。帝命錫汝伉儷子三人。田三頃。拜謝而出。遂覺。自是總浮屠敗以死。山陰人始有籍籍傳珏事者。未幾。越有袁治中為子求師。有以珏薦者。一見置賓館。禮敬特加。情款益篤。且語左右曰。唐先生家甚寒。吾當料理。使有妻有田。不數月。二事俱慙。珏後獲三子。凡夢中神所許。稽其數。無一不合。

### 選士嫁舞女

見寵妾

### 具皆嫁侍婢

輟耕錄。錢伯全嘗納一女鬟。丰姿秀雅。其室勸伯全私之。伯全正色曰。我所以置此者。欲侍中櫛耳。汝乃欲敗吾德。即具貲嫁之。

必匿盧子遷

北史魏中書生盧度世。字子遷。以崔浩事。逝在高陽。鄭羅家羅匿之。使者逮羅長子。羅戒之曰。君子殺身以成仁。汝雖死勿言。其子奉命。大被拷掠。乃至火爇其體。以必卒。無所言。及魏主臨江。問宋使者曰。盧度世亡命。已應至彼。使者曰。不聞。魏主乃赦度世。後度世自出。魏主以為中書侍郎。度世乃為弟娶鄭羅妹。以報德。

終養王仁輔

元處士倪瓚。字元鎮。自先世以來。代雄于貲。元鎮厭棄紛華。清脩好義。其師鞏昌王仁輔。老而無嗣。奉養終其身。歿為制服。執喪營葬。務致誠慤。當世稱之。

山堂壞室出喪第七卷

金兖州平陰人王去非。嘗就舉不得意。即屏去督妻孥。耕織以給伏臘。家居教授。束脩有餘。輒分惠於人。比隣有喪。忌東出。西此又皆人居。南則去非家也。乃壞蠶室。使南出。

傾囊辦葬

宋查道。字湛然。淳化中。赴試貧不能上道。親戚哀錢三萬。遺之道。出滑州。過父友呂翁家。翁無以葬母及兄。將鬻其女以辦襄事。道傾囊中錢與之。又嫁其女。

卷之六

山堂肆考人品第七卷

○名士

左傳。令名。德之輿也。荀子曰。君子務積于身則貴。名起之如日月。

天下高士

燕將攻齊。聊城拔之。或譖之。燕王。燕將保聊城。不敢歸。齊田單攻之。歲餘不下。魯仲連乃為書約之。矢以射城中。遺燕將曰。為公計者。不歸燕。則歸齊。今獨守孤城。齊兵日益。而燕救不至。將何為乎。燕將三日。遂自殺。聊城亂。田單克之。歸言仲連於齊王。欲爵之。仲連逃之海上。曰。吾與富貴而詘於人。寧貧賤而輕世肆志。馬。魏王問天下之

高士於子順。子順曰：世無其人也。抑可以為次。其魯仲連手。

天下奇才

諸葛亮伐魏屯田渭濱。有星隕營中而卒。亮嘗推演兵法。作八陣圖。至是司馬懿按行其營壘。嘆曰：天下奇才也。唐杜甫詩：功蓋三分國。名高八陣圖。

名重天下

初齊王封田嬰于薛。號靖郭君。嬰之賤妾之子曰文。通僮饒智略。說靖郭君以散財養士。賓客爭譽其美。請以文為嗣。嬰卒。文嗣位。號孟嘗君。食客常數千人。名重天下。

名稱郡中

漢洛陽人賈誼。年十八。名稱郡中。河南尹吳公舉之。

關西孔子

東漢楊震明經博覽。無不窮究。諸儒語曰：關西孔子。楊伯起。又薛道衡。字立卿。河東汾陰人。收之父也。年十三。講左氏傳。見子產之功。作國僑贊。其後不名。益著。裴獻曰：自鼎遷。河朔吾謂關西孔子罕見其人。今復見薛君矣。

江左夷吾

晉渡江之後。制度草創。綱紀未立。溫矯殊以為憂。及見王導。共譚。欣然曰：江左自有管夷吾。吾復何慮。

南州高士

東漢徐穉。字孺子。南昌人。郭林宗丁母憂。穉往弔。置生芻。

一束而去。林宗曰：此必南州高士徐孺子也。

西昌逸士

即詠隱西昌。採樵為業。或擔入郡市。遇人買。則曰：我西昌逸士。酒中人也。我既獻公所缺。公當惠我所無。

飛將軍

漢李廣隴西成紀人。武帝朝。拜右北平太守。匈奴號之曰：飛將軍。

行秘書

唐虞世南。字伯施。外謹儒而內抗烈。唐太宗時為弘文館學士。上嘗出行。有司請載書以從。上曰：虞世南在此。行秘書也。

白馬將軍

魏龐德。字令明。每戰嘗乘白馬。人謂之白馬將軍。

皂鵬御史

見御史。又唐王志愔。人呼為皂鵬都督。

瘦羊博士

見臘

饑鷹侍中

南北朝魏侍中元暉。與盧昶侍寵貪縱。時人謂之饑虎將軍。饑鷹侍中。按饑鷹侍中。雖非美名。大是的對。故存之。

號為儒宗

董仲舒。為漢儒宗。又宋楊時。字中之。與游定夫。謝顯道。俱

游明道先生之門。學有本原。行無玷缺。號為一世儒宗。

稱為學府

梁傅昭。字茂遠。歷位戶部尚書。博極古今。稱為學府。

湘中琳琅

見致仕

宅南儀表

惲音蘊  
惲音炎

南史柳惲。字文暢。惲之弟。早有令名。與謝淪隣居。相友善。淪曰。宅南柳郎。可為儀表。

今之董狐

見史官吳兢

今之韓愈

見薦舉歐陽脩。

我家沈任

太原温子昇。博覽羣書。文章清婉。仕魏為散騎常侍。濟陰

王暉業嘗云。江左文人。宋有顏謝。梁有沈任。今我家有子

昇。足以當之。

當今潘陸

徐陵仕陳。為吏部尚書。虞世基一見奇之。曰。當今潘陸。以女妻之。按潘陸。謂潘安陸機兄弟也。

江東步兵

晉張翰。字季鷹。有清才。善屬文。縱仕不拘。時人號江東步兵。

方外司馬

王昕弟晞字叔朗仕齊為并州長史未嘗以世務為累每遇良辰美景登臨山水以譚燕為事時人謂之方外司馬

曹劉沈謝

唐許敬宗性輕傲見人多忘或謂其不聰乃曰卿自難記若遇曹劉沈謝暗中摸索着亦可識也

王楊盧駱

唐盧照鄰字昇之范陽人文章與王勃楊炯駱賓王等齊名時稱王楊盧駱炯曰吾愧在盧前耻居楊後

江東獨步

晉王坦之字文度述之子也弱冠與謝安郗超皆有重名

時語曰大才繁繁謝家安江東獨步王文度盛德日新郗嘉賓又謝莊字希逸作鸚鵡賦袁淑見之曰江東無我卿當獨步我若無卿亦一時之傑

浙西高選

見幕官

風裁獨特

東漢李膺字元禮桓帝時拜司隸校尉獨特風裁以聲名自高人有被其容貌悅者名為登龍門又晉王衍口中雌黃朝野謂之一代龍門唐皇甫湜與韓愈文章德望為一代所宗人號為一代龍門有能接見者名為登龍門

風節並著



宋江公望字民表徽宗朝除左司諫與王縉並以風節著稱抗疏極論時政累數百言有云一池四監未知其孰守十羊九牧未知其孰從願陛下不以先入已信之言宿于心不以未入邊告之言拒于耳決事如析薪從理如破竹上稱奇者數四

### 名重軍中

五代謝彥章臨敵御衆肅然有威左右馳驟疾若風雨晉人望其行陣整齊相謂曰彥車必在此也其名重軍中若此又茗溪漁隱蘇子由奉使契丹寄子瞻詩云誰將家集過幽都每被行人問大蘇莫把文章動蠻貊恐妨譚笑卧江湖蓋子瞻名重當代外至夷虜亦愛服如此之重也

### 名播海內

世說盧志於衆坐問陸士衡曰陸遜陸抗是君何人答曰如卿於盧毓盧瑋士龍失色既出謂兄曰何至如此彼容不相知也士衡正色曰我祖父名播海內寧有不知鬼子敢爾議者疑二陸優劣謝公以此定之按志字子通瑋少子毓之孫也

### 干將鏃鉞

唐李邕字泰和揚州人才藝出衆盧藏用嘗語之曰君如干將莫邪難與爭鋒然終虞缺折耳邕不能用

### 南金東箭

東晉顧榮人稱為南金東箭世冒高門

門中龍鳳

南史王僧虔戒子書曰。吾家門中。優者如龍鳳。劣者如虎豹。

廐中騏驎

杜廣初為劉景廐卒。景問其意。廣申叙有條。景執其手曰。吾父負賢者。因告其妻曰。為女求夫三年。不覺廐中有騏驎。遂以女妻之。後廣為商州刺史。又宋徐勉字修仁。徐孝嗣見之曰。此人中騏驎。必能致千里。

北州人豪

東漢曹節王甫竊弄神器。固天下所同嫉。實武以至親操重柄。勦除奸凶。其勢易矣。然而身敗功頽。貽國後患者。幾

事不密。而禍成于猶豫也。張奐北州人豪。素非中人之黨。武不能收為已用。而乃遲回達旦。使逆賊得以欺奐。而使之。豈不惜哉。又皇甫規自負西州豪傑。耻不與黨人。

南陽人傑

晉鄒湛字潤甫。少以才學知名。實南陽之人傑也。

白衣尚書

東漢鄭均字仲虞。任城人。章帝建初中。徵拜尚書。數進忠言。以病告歸。帝東巡。過任城。乃幸均舍。賜尚書祿。以終其身。時號白衣尚書。又宋仁宗時。有向羣者。嗜古好學。善激揚。人目為白衣御史。

青錢學士

驚音卓 唐張鷟字文成高宗朝八次制舉皆中甲科負半千稱其

文猶青銅錢萬選萬中時號青錢學士又青錢學士可對

黑稍將軍六朝于栗碑少習武藝材藝過人劉祜嘗遺其

書題曰黑稍公麾下栗碑好持黑稍故有其號明元因授

為黑稍將軍

龍駒鳳雛

見兄弟

金山玉海

異音異 梁朱异字彥和徧覽五經明山賓表薦之云金山萬丈緣

涉未登玉海千尋窺映不測武帝朝拜侍中

名動衣冠

北齊邢劭字子才在洛陽專以山水自娛不暇勤業飲饜

既倦方尋經史時霖雨讀漢書五日便能徧記年未二十

名動衣冠文章獨步高世每一文出京師為之紙貴

名聞宮禁

宋王樞密疇之夫人梅昌臣之女也景德初夫人入謝慈

聖宮太后問曰夫人誰家子對曰梅昌臣之女太后笑曰

是聖俞家子由是始知聖俞名聞於宮禁也按聖俞名堯臣

願識荆州

唐韓朝宗思復之子玄宗時為荆州刺史李白與書曰白

聞天下譚士相聚而言曰生不用封萬戶侯但願一識韓

荆州何令人景慕至此耶

願見待制

宋劉安世字器之號元城市井細民以為若過南京不見劉待制如過泗州不見大聖。

得聲梁楚

史記漢曹丘生揖季布曰楚人諺曰得黃金百斤不如季布一諾足下何以得此聲於梁楚之間哉又鄭當時以任俠自喜脫張羽於阨聲聞梁楚間。

知名東南

宋龍大初工詩王荆公退居與郭功父坐有士人上謁視其刺則曰詩人龍大初功父叱之曰相公前敢稱詩人今賦沙詩頃之即云茫茫黃出塞漠漠白鋪汀鳥去風平篆

潮田日射星功父閣筆由是知名東南

人中龍

晉宋纖字令艾燉煌人隱于酒泉南山太守馬岌具威儀鏡鼓造之纖拒而不見岌嘆曰名可聞而身不可見德可仰而人不可觀知先生人中之龍也銘詩石壁曰丹崖百丈青壁萬尋奇木翦鬱蔚若鄧林其人如玉維國之琛室通人遠實勞我心。

殿上虎

宋劉安世元祐中為中書舍人面折廷諫人目之為殿上虎紹聖初為章惇蔡卞所忌遂謫嶺外人言春循梅新與岌為隣高廡雷化說着也怕八州惡地公歷遍其七蘇東

坡曰。劉器之真鐵漢。不可及也。

名題殿柱

宋陳恕字仲言。太宗朝為三司使。御筆題殿柱曰。陳恕真鹽鐵使。後封晉公。

名動天關

神音元陳搏。亳州真源人。嘗戒門人神放曰。子他日遭逢明主。名動天關。夫名者。古今美器。造物者深忌之。天地間無完名。子名將有物毀之耳。放晚節修飾過度。營產滿雍。鎬間遂喪清節。

金玉君子

宋傅堯俞字欽之。元祐中拜中書侍郎。名重朝廷。風節凜

然。太皇太后曰。傅侍郎。直一節。終始不變。金玉君子也。又章才劭篤。學能文。世稱為篤實君子。喜吟詩。有過清遠。峽詩。石頭風急樹欹斜。江畔漁樵十數家。老盡往來名利客。年年秋水映蘆花。

忠孝狀元

宋鄭獬字毅夫。皇祐五年。上御崇政殿試。圖立。方澤象。天地賦。擢進士第一。試前一日。上焚香祝曰。願得忠孝狀元。遂得獬。

開元賢相

唐開元中賢相。前有房杜。後有姚宋。

元祐名臣

宋王存字正仲。恂恂不為詭激。至十事所當行。確不可奪。呂希哲薦為元祐名臣。

水北山人

唐韓愈寄盧仝詩。水北山人得名聲。去年去作幕下士。水南山人又繼往。鞍馬僕從塞閭里。按水北山人謂石洪。水南山人謂溫造。

江南夫子

宋蔡用之筠州人。天禧中登第。上萬言書。上喜曰。自朕有天下。奇才偉器。未有如用之者。出文以示諸學士曰。此江南夫子也。

真儒者

唐裴休字公美。能文章。善書法。為人醞藉。進止雍容。宣宗嘗稱曰。真儒者。

真先生

宋嘉祐中有四真之目。富彥國真宰相。包希仁真御史。歐陽永叔真學士。胡翼之真先生。又元伯顏稱庶布憲曰。宰相中真宰相。男子中奇男子。

北虜圖形

宋韓琦字稚圭。所歷諸鎮。皆有遺愛。戎狄尤畏公威名。凡使契丹。及契丹來使者。必問韓侍中安否。今何在。後琦子忠彥使漠北。虜王問左右云。孰屢使南朝。識韓侍中。今忠彥貌類父否。或曰類。類乃即宴坐。命畫工圖之而去。

西賊破膽

見將帥下

後來王粲

璠者向唐蘇晉璠之子。數歲知為文。作八卦論。吏部侍郎房穎叔秘書少監王紹宗嘆曰。後來之王粲。

再世希夷

宋陳濟字元德。號風岡。守正不仕。晚歲樂希夷大僊之道。人稱再世希夷。

神智人

此史史寧字永和。少以功軍。加持節征東將軍。突厥憚之。曰。此中國神智人也。

忠清君

宋遊道少有氣節。仕魏為殿中侍御史。戒其子仕約。仕慎。仕素曰。吾執法大剛。子孫不足為師也。兗州人為立生祠。題曰忠清君。

山東六儒

隋竇仕榮。馬光。張仲讓。孔龐。張買。奴。劉祖仁。皆山東文學之士也。開皇初。並徵授太學博士。號為六儒。

會稽四族

世說會稽孔沉。魏顛。虞存。謝奉。並是四族之雋。孫興公目之曰。沉為孔家金。顛為魏家玉。虞為長琳。宗謝為弘道。伏按長琳存字弘道。奉字言。虞氏宗長琳之才。謝氏服弘道之美也。

大曆十才子

唐盧綸字元言。與韓翃錢起李端司空曙吉中孚崔峒耿  
偉夏侯審苗發皆能詩。號大曆十才子。

熙寧三舍人

細目宋熙寧中。李定言新法甚便于民。王安石薦于帝。拜  
監察御史裏行。知制誥。宋敏求蘇頌李大臨言定不由銓  
考。擢授朝列。墮素法制。所益者小。所損者大。封還制書。詔  
諭數四。頌等執奏不已。並坐屢格。詔命落。知制誥。天下謂  
之三舍人。

涼州三明

東漢太尉段熲字紀明。度遼將軍皇甫規字威明。大司農

閩音惟

張奐字然明。並知名顯達京師。稱涼州三明。晉南渡後。瑯  
琊諸葛恢。潁川荀闓。陳留蔡謨。俱字道明。號中興三明。人  
為之語曰。京都三明各有名。蔡氏儒雅。諸葛清。

京師二穉

東漢周澤字穉朝。孫堪字子穉。京師號二穉。

一代風騷

唐鄭谷幼有名譽。司空圖見而奇之。因拊其背曰。當為一  
代風騷。又唐李靖以疾遜位。上曰。朕嘉公意。欲以公為一  
代模楷。故不相違。

一代冠冕

宋韓維字持國。與司馬文正公。呂正獻公。王荊公。為四友。



名家文獻政事文學為一代冠冕

六君子

鑪音容

宋理宗寶祐中丁大全既逐右丞相董槐益恣橫用事道  
路以目太學生陳宜中黃鑪林則祖曾唯劉黻陳宗六人  
上書攻之大全怒遣御史吳衍劾之削其籍編管遠州立  
碑三學戒諸生勿得妄議國政士論翕然稱宜中等號為  
六君子

四先生

鑪音龍

宋陳襄字述古與鄉士陳烈周希孟鄭穆為友四人者氣  
古行高磨礪礪琢相期以天下之重為已任時謂之四先  
生述古嘗知河陽縣富公鎮河陽凡燕游登臨必與之俱

吟詠樽俎更唱迭和每曰陳著作奇才也又謝良佐與游  
酢楊時呂大臨號程門四先生

北朝四雋

北魏高濟與邢穎李熙游雅號北朝四雋又六朝何安字  
棲鳳與蕭春俱有雋才安居白楊巷春居青楊巷世號兩  
雋又晉薛蕙與紀瞻閔鴻顧榮賀循齊名號為五雋

南山三友

宋高懌字文悅聞种放隱終南山懌亦築室豹林谷與張  
堯許勃號南山三友

荀氏二仁

文中子曰荀氏有二仁生也以濟時歿也以明道按二仁

謂荀彧荀攸也。或字文若。舉孝廉。何顥見而奇之。曰。王佐才也。後為曹操謀臣。及操受九錫。或飲藥卒。攸字公達。或從子。從曹操征伐。獻奇策十二。操曰。公達人之師表。

楊家三喜

唐楊憑。字虛受。與二弟凝凌俱有重名。大曆中登第。稱三楊。時謂楊家三喜。又何胤。字子秀。遊會稽若耶山雲門寺。二兄求點。並棲遁。世號點為泰山。胤為小山。求為東山。是謂何氏三高。

海內一人

北史杜正玄。字知禮。耽志經史。隋世舉秀才。試策高第。時謂海內一人。

斗南一人

唐狄仁傑。同府參軍。鄭崇質母老且疾。當使絕域。仁傑詣長吏蘭仁基。請代行。仁基咨嗟其誼。每曰。狄公之賢。北斗以南一人而已。又仁傑初舉明經。調汴州參軍。為吏所誣。訴黜陟使。閻立本召訊。異其才。謂曰。仲尼稱觀過知仁。君可謂滄海遺珠矣。

八司馬

唐元和初。劉禹錫。程異。陳諫。柳宗元。韓泰。韓晔。凌準。韋執誼。八人皆附王叔文而進者。及叔文敗。八人皆貶為遠州司馬。故云。

四學士

宋黃庭堅秦觀張耒晁補之皆游蘇軾之門號四學士。

濟北五龍

濟北英賢傳紀昭戴所徐宴夏隱劉彬時號為濟北五龍按紀昭漢桓靈時人又晉索靖字幼安燉煌人少有逸羣之量與汜衷張處索紛索永俱詣太學馳名海內號燉煌五龍其餘五龍八龍詳見兄弟。

江東三虎

宋楊億作文與賓客飲博投壺奕棋語笑喧譁不妨緯思以小紙細書運筆如飛文不加點頃刻數千言真一代文豪也與王鼎王綽號江東三虎。

鉅下二卿

東漢馬嚴字威卿弟敦字孺卿援子也居鉅下交結英賢知名當世三輔稱其行義號鉅下二卿。

吳中四士

唐包融開元中為集賢學士與賀知章張若虛張旭齊名號吳中四士。

建安七子

魏文典論魯國孔融文舉廣陵陳琳孔璋山陽王粲仲宣北海徐幹偉臣陳留阮瑀元瑜汝南應瑒德璉東平劉楨公幹斯七子者於學無所遺於辭無所假號建安七子。

景祐四賢

宋余靖字安道宋景祐中右正言范文正以言事忤大臣

揚音揚

落職。靖為上書。謫監筠州酒稅。尹洙歐陽修抗疏。亦遠謫。士大夫號為四賢。蔡襄作四賢一不肖詩。一不肖指高若納也。又喬執中以經術教授。與孫莘老秦少游齊名。時號三賢。

### 潯陽三隱

陶靖節居柴桑。周續之入廬山。劉遺民入匡山。時號潯陽三隱。

### 江西三瑞

宋蕭定基。字平一。景祐中為殿中侍御史。仁宗嘗題殿柱云。彭齊之文章。楊丕之清操。蕭定基之政事。為江西三瑞云。

### 飲中八僊

杜甫有八僊歌。謂李白。賀知章。李適之。汝陽王李璣。崔宗之。蘇晉。張旭。焦遂也。

### 幕中六客

唐杜鴻漸。張鎰。喬琳。陳少游。杜黃裳。高郢。六人皆鄂汾陽王幕中客也。後俱拜相。

### 謝家千金

耻音斐宋謝耻。字敬冲。十歲能屬文。琅琊王景文謂其父莊曰。卿子足稱神童。莊笑撫耻背曰。吾家千金。至宋末領秘書監。

### 陸氏雙壁

見兄弟

一代偉人

魏鍾繇字元常。封平陽侯。一代偉人也。文帝嘗賜之五熟金。銘善草書。若飛鴻戲海。舞鶴遊天。又北魏高允字伯恭。崔宏見而異之。曰。高子黃中內潤。文明外照。必為一代偉器。

一代大儒

宋姜潛。石守道。門人也。呂希哲薦潛及王回。吳回。張載為一世大儒。

一臺二妙

晉衛瓘字伯玉。咸寧中加侍中。時索靖為尚書郎。俱善草書。號一臺二妙。

一門三秀

杜正倫。相州人。隋世舉秀才。天下不十人。而正倫一門三秀。為世歎羨。

三河領袖

裴駿字神駒。魏太武曰。裴駿忠義可嘉。補中書博士。崔浩目為三河領袖。又裴秀字季彥。八歲能屬文。時語曰。後進領袖有裴秀。

歷世名節

唐袁誼為蘇州刺史。司馬張沛嘗白誼曰。州得一長史。隴西李宣。天下甲門也。誼曰。夫甲門者。歷世名節。為天下所高。老夫是也。山東人尚婚媾。求祿利耳。三見危授命。則無

山... 卷... 三... 五

人馬何足尚耶。沛大慙。

時號三君

東漢陳紀字元方。第諶字秀方。與父寔並著高名。時號三君。又桓靈時黨人劉淑。陳蕃。實為三君。

時號四將

宋劉光世。與張俊。韓世忠。岳飛。時號中興四將。

四休居士

宋孫昉字景初。為太醫。自號四休居士。黃山谷問其說。對曰。食茶淡飯。飽即休。被破遮寒。暖即休。三平二滿。過即休。不貪不妬。老即休。

三影先生

宋張先字子野。詩筆老健。倅秀州。創花月亭。其詞中警句。有雲破月來花弄影。浮萍斷處見山影。隔牆送過秋千影。世號三影先生。神宗朝為尚書郎。又因話錄。應子和詩。有兩岸夕陽紅。風過落花紅。蠟炬短燒紅之句。人號三紅秀才。

二十四賢

宋真宗景德元年。密采羣臣有聞望者。得二十四人。召對崇政殿。置於臺省館閣。比唐修文館學士。號為二十四賢。邊肅。鞠仲謀。郝太冲。朱協。李玄馬。京何亮。衛太素。陳昭度。崔端。趙湘。姜嶼。滕涉。曹廣。周絳。謝濤。高謹微。張若谷。陳越。皇甫選。陸玄圭。李奉天。崔遵度。原本遺失一人。俟更考。

二十四友

見朋友

百紙參軍

暹音織

唐杜暹明經擢第補婺州參軍秩滿歸吏以紙萬番贖之止受百番衆嘆曰此與昔清吏受一大錢者何異哉時號百紙參軍

七字舍人

宋呂湊字濟叔寶元中試鯤化為鵬諱九霄離海嶠一夕過天池時有三魁謂呂湊王昂李易也仁宗見詩升湊為第一後為中書舍人喜自貴重見賓客不及數言時號七字舍人

人比二陸

陳虞世基與弟世南俱歸隋人比二陸博學有俊才善草隸孔奐見之嘆曰南金之貴屬在斯人

人比二疏

見孫

世號小鍾

唐鍾紹京繇十代孫工草書世號小鍾

人號小杜

唐杜牧之詩情豪邁人號小杜以別杜甫云

小東坡

宋趙達資州人累遷至中舍高宗以其文章似蘇軾人號

山堂集卷一  
為小東坡有棲雲集行世。

小由基

宋陳堯咨善射。人號小由基。

大秦小秦

唐秦景道與弟暉皆精漢書。時號大秦小秦。

大任小任

宋任孜字道聖眉州人。慶曆三年。楊宣榜登第。第。級。字。師。中。嘗通判黃州。兄弟俱有名。蘇東坡謂之大任小任。且贈之詩曰。大任剛烈。世無有。疾惡如風。朱伯厚。小任溫毅。老更文寬。柔慈愛。小馮君。孜之子伯雨。元符中除正言。上章論章惇蔡卞。坐黨被貶。

四傑

宋韓范富歐。人號四傑。

三豪

宋杜默字師雄。豪于歌。石曼卿豪于詩。歐陽永叔豪于文。世號三豪。

二絕

宋世軌仕魏為大理少卿。執法寬平。時蘇珍之為大理正。明敏能斷。寺中語曰。決定嫌疑。蘇珍之視表見裏。宋世軌人稱為寺中二絕。

三奇

宋彭淵材家宜豐。元豐間人。與洪覺範鄒元佐三人號新。



昌三奇。覺範奇于詩。元佐奇于命。淵材奇于樂。

李杜

東漢桓帝時。李固杜喬。李雲杜衆。李膺杜密。唐玄宗時。李白杜甫俱齊名。

陰何

陰何字子堅。武威人。博涉史傳。尤善五言詩。仕梁。為湘東王法曹參軍。與何遜齊名。有陰何詩集。行于世。號陰何體。

元白

唐元稹字微之。能詩。與白居易齊名。時稱元和體。宮中呼為元才子。樂天嘗與之書曰。江南語才子。必曰元白。以子之故。使我不得獨步于吳越間。今垂老復得劉孟德。豈非

大不幸耶。

徐庾

徐陵字孝穆。搗之子也。庾信字子山。為文綺麗。後進競相模範。盛為都下所稱。號徐庾體。

發越

梁顧越學兼經史。與賀元發名相等。都下謂之發越。

錢卽

卽士元。晚唐詩人。與錢起齊名。時語曰。前有沈宋。後有錢卽。

蘇李

唐蘇味道與里人李嶠俱以文翰顯。人號蘇李。

江高

後唐江文蔚字君章長興二年進士後歸南唐與高越俱以能賦擅名江表人稱江高

裴馬

唐馬載與裴行儉分掌選事言吏部得人者稱裴馬

郝婁

唐武后時酷吏殘鷲人不聊生獨婁師德能以功名始終與郝處俊相亞世言長者稱郝婁

李郭

唐李光弼平安史亂與郭子儀齊名

畢曹

唐畢誠與曹確同為相俱有雅望世謂畢曹

燕許

唐蘇頲字廷碩封燕國公張說字道濟封燕國公俱以文章顯名時號燕許大手筆

楊劉

見翰林學士

蘇黃

宋黃庭堅晚節位益黜名益尊世人以配蘇軾謂之蘇黃

孫丁

宋丁謂嘗以文謁王禹偁禹偁稱其文與孫何可比韓柳名遂大振又嘗言二人可使白衣充修撰

三鄒

鄒忌以鼓琴見齊王。王喜之。後為齊相。齊有三鄒子。前鄒忌。次鄒衍。後鄒奩。俱有名于時。

二鮑

東漢鮑永。字君長。光武朝。拜司隸。辟鮑恢為從事。不避權。御帝曰。貴戚且斂手。以避二鮑。

三蘇

宋蘇老泉父子。文章名擅天下。世稱三蘇。

三孔

宋孔文仲。與弟武仲。平仲。俱以文章名世。人號三孔。

三劉

宋劉敞。字原父。弟攸。字貢父。敞子奉世。字仲馮。是為三劉。

又劉渙。字凝之。號西澗。子恕。字道原。恕子義仲。亦稱三劉。

劉夙。字貫之。莆田人。弟翔。字復之。貌如其兄。夙峭壁萬仞。

朔濟以和。俱有聲于時。人號二劉。

三李

宋李公麟。元符中歸老。作龍眠山莊圖。自號龍眠居士。又

與二弟公庚。元中。號龍眠。三李。

山堂肆考人品第八卷

○志士

贊皇公臣子論士之有志氣而思富貴者必能建功業有志氣而輕爵祿者必能立名節。

希顏

楊子曰希驥之馬亦驥之乘也希顏之人亦顏之徒也。

慕藺

東漢司馬相如慕藺相如之為人故以相如為名。

題橋

見橋梁

投筆

東漢班超字仲升。有大志。家貧為人傭書。以養母。嘗輟業。投筆嘆曰。大丈夫無他志畧。猶能效傅介子張騫之功。異域以取封侯。安能以事筆硯間乎。明章兩朝。出征西域。安集五十餘國。封定遠侯。

擲板

東漢逢萌字子慶。給事縣中。為亭長。時尉過。萌迎候拜謁。既而擲板嘆曰。大丈夫安能為後遂之長安受學焉。

破琴

晉中興書戴逵字安道。少有文藝。善鼓琴。太宰武陵王晞。聞其能琴。使人召焉。逵對使者前。破琴曰。戴安道不能為王門伶人。晞怒。又引其兄述。述聞然操琴。乃止。

運甃

見刺史

撫案

齊王融自恃人地。三十內望為公輔。及為中書郎。撫案嘆息曰。為爾寂寂。鄧禹笑人行。逢朱雀。折開喧啾。不行進。槌車壁。嘆曰。車前無八騶。安得稱丈夫。按鄧禹佐光武中興。封梁侯。時年二十四。今融自嘆年將三十。不能如鄧禹故云。

不窺軒冕

魏晉寧字幼安。朱虛人。少與蔡謏同席讀書。有乘軒冕者。過。謏廢書出看。寧曰。富貴當自致。窺他人乎。遂割席分半。

而坐曰子非吾友

不事筆硯

瞻字文慶受業東觀頗涉經史既而謂人曰書足記姓名而已安能久事筆硯為腐儒事耶

當掃天下

東漢陳蕃室有糞不除父執薛勤曰孺子何不洒掃答曰大丈夫當掃除天下安能事一室乎

願宰天下

唐來濟與高智周郝處俊處約容宣城相與言志處俊曰願宰天下濟及智周亦然處約曰宰相或不可冀願為通事舍人

不拜乞錢

東觀漢記趙勤字益卿劉賜之姊子也童幼時即有志操賜國租適到時勤在傍賜指錢示勤曰拜乞汝三十萬勤曰拜而得錢非義所取終不肯拜

不受致禮

東漢朱暉家世衣冠性矜嚴外戚陰就往候之不見致禮亦不受就曰志士也勿奪其節

不作博士

魏志任城王彰謂左右曰大丈夫當為衛霍將十萬騎馳沙漠驅戎狄立功建號爾何能作博士耶又後周宇文貴輟書嘆曰男兒當提劍汗馬以取公侯何能為博士也

不奉權臣

唐楊損與宰相路岩第相接。岩欲易其廐以廣第。損曰：「尺寸土皆先人舊貲。安可奉權臣乎？」

不事斗筭役

東漢郭泰字林宗。世貧賤。母令給事縣庭。林宗曰：「丈夫安從斗筭之役。遂就屈宗彥學。」

不作章句儒

唐李靖常曰：「大丈夫遭遇聖主。以功名取富貴。何至作章句儒耶？」

橫行天下

北齊高昂字敖曹。幼時便有壯氣。膽力過人。龍唇豹頸。姿

體雄異。父為求嚴師。令加捶撻。昂不遵師訓。專事馳騁。每言男子當橫行天下。自取富貴。誰能端坐讀書。作老博士也。其父以其昂藏敖曹。故以名字之。

長驅中原

五代韓熙載。北海將家子也。初與李穀相善。明宗時。熙載南奔吳。穀送至正陽。酒酣臨訣。熙載謂穀曰：「江左用吾為相當長驅以定中原。穀曰：「中國用吾為相。取江南如探囊中物爾。及周征淮南。命穀為將。以取淮南。而熙載不能有所為也。又南唐遺事。韓熙載舉進士。投書李晟曰：「釣大鰲者。不投取魚之餌。斷長鯨者。焉用割雞之刀。又云。腰有劍。而袖有袖。口有舌。而手有筆。」

趙來誦詩

隋趙來誦詩至擊鼓其鏜踴躍用兵捨書歎曰大丈夫安能區區事筆硯乎後為名將

維翰作賦

五代晉桑維翰字國僑初舉進士主司惡其姓桑與喪同有勸其改業者維翰著日出扶桑賦以見志

不從嫁殤

邢原字根矩嘗為曹操掾操幼子倉舒卒傷惜之甚因原有女早亡操欲求為蒼舒合葬原辭曰嫁殤非禮也原之所以自容於明公與明公之所以待原者以其能守訓典也若聽公命是凡庸耳明公焉以為哉操乃正

邢音丙

不肯改姓

唐憲宗時京兆尹李巒欲以女妻戎昱令其改姓戎作詩曰山上青松陌上塵雲泥豈合得相親世路盡嫌良馬瘦君家亦訝臥龍貧千金未必能移姓一諾從來許殺身莫道書生無感激寸心還是報恩人

齧臂而盟

衛吳起出郭門與母訣齧臂而盟曰起不為卿相不復入衛門也後果如言

捫蝨而譚

秦王猛個儻有大志不屑細務聞桓温入關被褐詣謁之捫蝨而譚當世之務旁若無人

蝨音瘞



不須胡奴米

晉世說王修齡嘗在東山甚貧乏陶胡奴為烏程令必一船米遺之卻不肯取直答云王修齡若饑自當就謝仁祖索食不須陶胡奴米注云胡奴範小字侃第十子

不著趙家衣

宋陳師道字無已號后山與趙挺之邢和叔皆郭大夫婿陳在館職當侍祀郊丘時隆冬非重裘不能禦寒氣無已止有其一其內子從挺之家假以衣之無已詰所從來內子以實告無已曰汝豈不知我不著渠家衣耶卻之既而遂以凍病歿按郭大夫名際

仕必宰相

見王府官

仕必狀元

呂蒙正少與溫仲舒讀書于洛陽龍門誓不作狀元不仕不對策議

焯音純

宋尹焯字彥明河南人紹聖初嘗應舉策有誅元祐諸臣議焯遂不對而出聚徒洛中非弔喪問疾不出至欽宗時賜號和靖先生

不冀推挽

宋李德字舜工明道中知絳州還朝李康伯謁之因謂曰諸公欲用舜工知制誥但宰相未曾相識盍一往見之德曰我若謁丁崖州則乾興初已為翰林學士矣今已老大

馬能隨羣逐隊。趨炎附熱。看人眉睫。以冀推挽乎。

○業師

學記。凡學之道。嚴師為難。師嚴然後道尊。道尊然後民知敬學。又曰。善學者。師逸而功倍。又從而庸之。不善學者。師勤而功半。又從而怨之。

博古知今

家語孔子。吾聞老聃博古知今。通禮樂之原。明道德之歸。則吾師也。吾將往矣。

長善救失

學記。學者有四失。教者必知之。人之學也。或失則多。或失則寡。或失則易。或失則止。此四者。心之莫同也。知其心。然

後能救其失也。教也者。長善而救其失者也。

記問師

學記。記問之學。不足以為人師。必也其聽語乎。

章句師

柳宗元答嚴厚與曰。馬融鄭玄。章句師耳。

叩鐘

學記。善待問者。如撞鐘。叩之以小者。則小鳴。叩之以大者。則大鳴。

鳴鼓

東漢董春。字紀陽。餘姚人。少好學。師事侍中祭酒王君仲。授古文尚書。後詣京房。授易。究極聖旨。條列科義。後遷師。

立精舍。遠方門徒來學者常數百人。諸生升講堂。鳴鼓三通。堂下橫經。捧手請問者百人。

蘇張從學

劉天談  
二音押  
音擺

鬼谷子。姓王。名詡。晉平公時人。蘇秦張儀從之學。授捍闔之術。十二章。轉丸祛篋二章。二子乃復往見。具言所受於師者。行之少。有口吻之驗。未有傾河填海移山之力。先生曰。吾為子陳言至道。於是二子齋戒擇日而往。先生乃正席而坐。嚴顏而言。告二子以全身之道。

房杜受書

隋王通字仲淹。謚文中。講道河汾。著六經。北面受學者皆當時偉人。如竇威賈瓊姚義。受禮。溫彥博杜如晦陳叔達。

受樂。杜淹房喬魏徵受書。李靖薛方裴晞王珪受詩。叔恬受玄經。董常仇璋薛收程元備聞六經之義。文中子之子福時。禰錄云。先君門人。布在廊廟。即竇賈等。

間三席

曲禮。若非飲食之客。則布席。席間。函丈。注云。非飲食之客。則是講說之客也。函容也。言左右席間容一丈之地也。鄭玄曰。大司成論說在東序。凡侍坐于大司成者。遠近間三席。可以問也。

立四科

漢許商從周堪受尚書。著五行論。號其門人。林子高為德行。吳章為言語。王吉為政事。齊幼卿為文學。如孔門四科。

立鄉

見鄉里

成市

華嶽記華嶽西北谷有槐市。楊震講學授徒成市。其處多槐。故號焉。

四術

孫卿子曰。師術有四。而博習不與焉。尊嚴而憚。可以為師。耆艾而信。可以為師。誦說而不凌犯。可以為師。知微而論。可以為師。

二餘

見冬。

表儀

韓詩外傳。智如泉源。可以為表儀者。人師也。智可以砥行。可以為輔弼者。人友也。據法守職。而不敢為非者。人吏也。當前快意。一呼再喏者。人隸也。故上主以師為佐。危亡之主。以隸為佐。

模範

揚子云。務學不如求師。師者。人之模範也。模不模。範不範。為不少矣。

八歲為師

莊子逸篇。蒲衣八歲為舜師。史記項橐七歲為孔子師。

十五為師

賈瓊曰夫子十五歲為人師。陳留王孝逸先達之傲者也。然亦白首北面。豈以年乎。夫子指文中子也。

### 大作講舍

漢何休任城樊人質朴叻口。而雅有心思。精研六經。世儒無及者。嘗作公羊墨守。左氏膏肓。穀梁廢疾。除北新城長。大作講舍。聚生徒數百。朝夕自往勸講。儒化大行。

### 廣招學徒

晉虞溥字允源。篤志墳典。大修庠序。廣招學徒。謂學之染人。甚于丹青。

### 飛鱣

東漢楊震嘗客于湖。有鶴雀銜三鱣魚。飛入講堂前。都講

鱣音鱣

取魚進曰。蛇鱣者。卿大夫服之象也。數三者。法三台也。先生自此升矣。

### 庖蛙

黃山谷戲答史應之詩。歲晚亦無雞可割。庖蛙煎鱔薦麝香。醪以應之。常授館於人。為童子師。故云。前輩有詩曰。來朝為送先生飯。一夜沿溪捉鱣魚。

### 下帷

史記漢董仲舒。廣川人。治春秋。孝景時為博士。下帷講誦。弟子莫見其面。三年不觀于舍園。

### 施帳

東漢馬融。字文長。扶風人。教授諸生。常有千數。坐高堂。施

絳紗帳。前授生徒。後列女樂。融才高博學。為世通儒。涿郡盧植。北海鄭玄。皆其徒也。

進粥致訶

東漢郭林宗。嘗止於陳童子魏德公。知其有異行。求近其  
音歡房。供給灑掃。林宗體不佳。夜中命作粥。林宗一啜。怒而訶  
之曰。高明為長者作粥。使沙不可食。以杯擲地。德公進粥。  
三進三訶。德公無變容。林宗曰。始見子之面。今乃知子之  
心。遂友善之。一說童子魏照。求入詣郭泰。供給灑掃。泰曰。  
當精義講習。何來相近。照曰。經師易獲。人師難遭。欲以素  
絲之質。附近朱藍。照與德公不知是一人否。又後漢左原  
為郡學生犯法。為諸生見斥。郭林宗遇之于路。乃設酒餼

以慰之。人譏林宗不絕惡人。林宗曰。人而不仁。絕之已甚。  
亂也。原後結客。欲報諸生。值林宗在學。愧負前賢。遂罷去。

擔飯送役

晉王裒。字偉元。城陽人。門生為安丘縣所役。求裒書囑令  
裒曰。卿學不足以庇身。吾德薄不足以蔭卿。且吾不執筆  
四十年矣。乃步擔乾飯。兒負鹽豉草屨。送所役生到縣門。  
徒從者千餘人。安丘令以為詣已。出迎之。裒乃下道。至土  
牛旁。磬折云。門生為縣所役。故來送別。因執手涕泣而去。  
令即放之。

吐授文石

西京雜記。五鹿充宗授學於弘成子。成子少時。嘗有人授

以文石大如燕卵成子吞之遂為通儒後成子病吐出文石以授克宗又為名學。

令箕渾天

世說鄭玄在馬融門下三年不得相見唯令弟子傳授而已嘗箕渾天不合諸弟莫能解或言玄能者融召令箕一轉便決眾咸駭服及辭歸融謂門人曰鄭生今去吾道東矣。

勸罰有科

魏常爽置館于温水之右門徒七百餘人立訓甚嚴有勸罰之科弟子事之若嚴君魏之儒風始振。

指授有法

唐柳宗元徙柳州刺史南方為進士者千數皆數千里從宗元遊凡經指授者為文辭皆有法。

文公師說

柳宗元答韋中立書今之世不聞有師有輒譁笑之以為狂人獨韓愈不顧流俗化笑侮收召後學作師說因抗顏而為師世果羣恠聚罵指目牽引而增與為言辭愈以是得狂名居長安炊不暇熟又挈挈而東如是者數矣僕往聞庸蜀之南恒雨少日出則犬吠予以為過言前六七年僕南來大雪踰嶺被南越中數州數州之犬皆蒼黃吠噬狂走者累日至無雪乃已然後信前所說者今韓愈既自以為蜀之日而吾子又欲使吾為越之雪不以病乎。

表微師譜

唐韋表微以學者薄師道不如聲樂賤工能尊其師乃著九經師授譜以詆其違。

山斗

宋景文贊唐與韓愈以六經之文為諸儒倡學者仰之如泰山北斗云。

棟梁

宋胡瑗字翼之海陵人號安定先生其為人師言行而身化之使誠明者達昏愚者厲而頑傲者革故其為法嚴而信為道久而尊時方尚詞賦而胡學獨置經義治事察以敦實學擇疏通有器局者居之其弟子散在四方隨其人

楠音角  
椽音袁

之賢愚皆循循雅飭言談舉止無不相類不問可知為胡公弟子學者相與稱先生不問可知為胡公也王安石詩先收先生作梁棟次第收拾椽與椽

教諭欵密

宋唐子西十五歲上任德翁序曰薛郡任公之教授通義也。有少年書生曰唐庚者誦書不甚多屬文不甚工碌碌落落無可稱道。一日持一軸書掉三寸舌草衣麻履攘袂登門危言高論不識忌諱公一見而嗟異之再見而禮貌之。三見而矜恤之勸戒勤篤教諭欵密其久之而不能自安退而諮之于客曰公于我厚矣吾將圖報矣吾欲脅肩諂笑巧言令色以順適其意以是報公可乎客曰不可是



小人之報也。吾將炮長劍挾匕首。有惡聲至者。以血濺其襟。以是報公可乎。客曰。是俠客之報也。吾將淬文鋒。礪詞鋒。庶幾起騰奮。躍高飛。遠舉於天下。使天下之人指之曰。斯人也。出於任公之門。以是報公可乎。客曰。唯唯。是國士之報也。因書以為序。

### 學問淵源

宋呂希哲始與程頤同遊學。察其學問淵源。非他人比。首以師禮事之。由是知見日益廣大。

### 先做心

宋胡瑗為國子先生。日番禺有大商。遣其子來就學。其子後音喧。懷宕所齎千金。染病甚瘠。客於逆旅。若將斃者。其父偶至

京師。携其子謁胡先生。告其故。先生曰。是宜先做其心。而後誘之以道者也。乃取一帙書授之。曰。汝讀是。可以先知養生之術。知養生而後可以進學矣。其子視其書。乃黃帝素問也。讀未竟。痛悔自責。胡知其已悟。召而誨之。二三年。遂登上第而歸。

### 先學走

朱子語錄。宋蔡京晚歲。漸覺事勢狼狽。亦有隱憂。其從子應之。自興化來京。因訪問近日有甚人才。應之曰。福州有張翥。字柔直者。抱負甚奇。時適到部。京遂賓致之。為塾客。柔直以師道自居。待諸生嚴厲。諸生已不能堪。一日呼諸生來前曰。汝曹曾學走乎。諸生曰。某等聞先生長者之教。

但令緩行。柔直曰：天下被汝翁作壞了。早晚賊發，先到汝家。汝曹若學得走，緩急可以逃死。諸子大驚，走告京曰：先生忽心恙如此。京矍然曰：此非汝所知也。即入書院，與柔直傾倒，因訪策焉。柔直曰：今日救時，已是遲了。只是收拾人才，是第一義。京因扣其所知，遂以楊龜山為對。龜山自是有召命。

○門弟

禮記檀弓：事師無犯，無隱。左右就養，無方。

步趨

家語顏淵問於仲尼曰：夫子步亦步，夫子趨亦趨，夫子馳亦馳，夫子奔逸絕塵而回，瞠乎其後矣。注云：瞠，直目以視。

瞠，撐上聲。

也。

唯諾

由禮。樞衣趨隅，必慎唯諾。此弟子待先生之禮也。按樞，提也。欲便于坐，故樞之。趨隅，由席角而升坐也。唯諾，皆應辭。既坐定，又當謹于應對也。

築宮

史記：鄒子如燕，昭王擁篲先驅，請列弟子之禮而受業。築碣石宮，身親往師之。

除舍

見主簿

匿名聽講

世說服虔字子慎。河南滎陽人。將注春秋。欲參考同異。聞崔烈集門生講傳。遂匿姓名。為烈門人。賃作食。每至講時。輒竊聽戶壁間。既知其不能踰已。稍共書生叙其短長。烈聞不測何人。然素聞虔名。意疑之。明早往。未及寤。便呼子慎。子慎虔不覺驚應。遂相與友善。

髡頭訟寃

鄭弘字巨君。楚王英反。引弘師焦贛。贛被收。道病亡。歿。妻  
子禁獄。諸生懼連及。皆變姓名避罪。弘獨髡頭。負鎖為訟。  
贛寃。顯宗赦贛家屬。弘躬送贛喪。及妻子還鄉里。

祛衣

韓詩外傳。孟嘗君請學于閔子。使車往迎閔子。閔子曰。禮

有來學。無往教。致師而學。不能學。往教。則不能化君也。君  
所謂不能學者也。臣所謂不能化君者也。于是孟嘗君曰。  
敬聞命矣。明日祛衣請業。

負笈

東漢李固。郃之子也。少好學。嘗改易姓名。杖策騎驢。負笈  
從師。不遠千里。遂究覽墳典。為世大儒。每到太學。密入公  
府。定省父母。不令同業諸生知其為郃子也。按笈書箱也。

作字

漢楊雄。恬於勢利。好古樂道。欲以文章成名於世。用心于  
內。不求於外。人皆忽之。唯劉秀及范滂敬焉。而桓譚以為  
絕倫。鉅鹿侯芭師事之。劉棻嘗從雄作奇字。劉歆觀之曰。

空自苦耳。

乞言

王隱晉書。魏高貴鄉公之八也。將從先典。乃命王祥為三老。侍中鄭小同為五更。祥南面設几杖。以師道自居。帝北面乞言。

聽樂後堂

漢書安昌侯張禹。字子文。河南軹縣人。成就弟子尤著者。淮陽彭宣。沛郡戴崇。宣為人恭儉。有法度。而崇愷悌多智。崇每候禹。常責師。宜置酒設樂。與弟子相娛。禹將崇入後堂飲食。婦女相對。優人絃管。鏗鏘極樂。昏夜乃罷。而宣之來也。禹見之于便坐。講論經義。日晏賜食。不過一肉。卮酒。

相對。宣未嘗得至後堂。及兩人皆聞知。各自得也。

執經壘畔

東漢孫期。少為諸生。通京氏易。及古文尚書。家貧。牧豕澤中。遠人從學者。皆執經壘畔以追之。

嘲眠

東漢邊韶。字孝先。教授數百人。常晝臥。弟子私嘲之曰。邊孝先。腹便便。懶讀書。但欲眠。韶應聲答曰。邊為姓。孝為字。腹便便。五經笥。但欲眠。思經事。寐為周公通夢。靜與孔子同意。師而可嘲。出何典記。

問病

荀攸。字公達。魏文帝在東宮時。太祖謂曰。荀公達人之師。

表汝當盡禮敬之。彼嘗病。太子問病。獨拜床下。又後秦姚泓為太子時。受經于太學博士淳于岐。岐病。泓以師者。人之表範。傳先聖之訓。加在二之義。不可以不重。親詣省病。拜于床下。

### 三年不學

說苑。公明宣學于曾子。三年不讀書。曾子曰。宣而居參之門。三年不學何也。公明宣曰。安敢不學。宣見夫子居宮庭。親在。叱叱之聲。未嘗至於大馬。宣說之學而未能。宣見夫子之應賓客。恭儉而不懈惰。宣說之學而未能。宣見夫子之居朝廷。嚴臨下而不毀傷。宣說之學而未能。說此三者。學而未能。宣安敢不學。而居夫子之門乎。曾子避席謝之。

曰。參不及宣。其學而已。

### 數日辭歸

唐史沈重講學授徒。徐曠從之。不數日辭歸。曰。先生所說紙上語耳。若奧境猶有所未見者。

### 從受春秋

雖音雖

漢嚴彭祖字公子。與顏安樂俱事。孟孟弟子百餘人。惟

二子能質問疑義。孟曰。春秋之學。在二子矣。由是公羊春秋有嚴顏之學。又後漢鍾興。從少傅丁恭受春秋。明帝召拜郎中令。授皇太子及諸王侯。經封關內侯。興辭無功。不受讓于師。于是封恭關內侯。

### 往受尚書

見女

申公弟子

漢申公弟子。為博士者十餘人。孔安國至臨淮太守。周羈夏寬為內史。魯陽至東海太守。終生為內史。徐偃為中尉。

韓信弟子

盧全傳曰。賈島劉又皆韓門弟子。

貫械救師

東漢桓帝時。宦者唐衡左官等。共讚杜喬。帝亦怨之。會劉文等謀立清河王蒜。梁冀因誣李固杜喬與文交通。收固下獄。門生王調貫械上書。太后詔赦之。冀畏其終為已害。更奏前事。固竟死獄中。又使人脅喬。使自引決。喬不聽。收

繫之。亦死於獄。注。貫。穿也。械。桎梏也。

貫箭救師

魏楊叔從范叔受易。叔後為出妻所告。繫獄。叔以箭貫耳。抱叔子伏道側。訟叔冤。帝感曰。乞賜楊生師也。

躡屣遠從

魏邴原。字根矩。欲遠游學。詣安丘孫崧。崧辭曰。君鄉里鄭君。君知其乎。原答曰。然。崧曰。學覽古今。博聞強識。鈞深致遠。誠學者之師模也。君乃舍之。躡屣千里。所謂以鄭為東家丘也。原曰。人各有志。所向不同。有登山而採玉者。有入海而探珠者。豈可以登山者。不如海之深。入海者。不如山之高哉。君謂僕以鄭為東家丘。則君以僕為西家之愚夫。

耶。崧辭謝焉。按家語云。孔子西家有愚夫。不能識孔子是聖人。曰。彼東家丘。吾知之矣。崧言原舍鄭君而來。亦如愚夫。不知孔子也。又原家貧。隣有書舍。原過之。必泣。其師問之曰。何泣。原曰。孤者易傷。貧者易感。其師曰。欲學何書。原曰。無錢資。師曰。有志徒相教。不求資也。原遂從學焉。

上疏特薦

唐李俗薦師疏云。前試宣州溧水縣尉胡震。博通六經。華皓一志。臣童幼之時。從震授業。豈謂年踰四紀。位列二公。雖自君恩。亦由儒訓。幸因家舊。事輒敢薦聞。

不知是非

列子師老商氏。友伯高子。進二子之道。乘風而歸。尹生聞

姬音居

之。從列子居數月。不省舍。因問。請斲其術者。十反而十不告。尹生懟而請辭。列子曰。姬將告汝所學於夫子者矣。自吾之事夫子。友若人也。三年之後。心不敢念是非。口不敢言利害。始得夫子一眄而已。五年之後。心庚念是非。口庚言利害。夫子始一解顏而笑。七年之後。從心之所念。庚無是非。從口之所言。庚無利害。夫子始一引吾並席而坐。九年之後。橫心之所念。橫口之所出。亦不知我之是非。利害。歟。亦不知彼之是非。利害。歟。亦不知夫子之為我師。若人之為我友。內外進矣。按夫子指老商氏若人。指伯高子。庚更也。向也。

必愧禮樂

唐魏徵曰。大業之際。徵也。嘗與諸賢侍文中子。先生謂徵及房杜曰。生輩雖聰明特達。然非董薛程仇之比。雖逢明主。必愧禮樂。

太守稱弟子

東漢應劭字仲遠。博學多聞。舉高第。拜泰山太守。戰却黃巾三十萬衆。郡內以安。嘗自贊于鄭玄曰。故泰山太守應仲遠。北面稱弟子何如。玄笑曰。仲尼之門。考以四科。回賜之徒。不稱官閥。劭有慙色。

帝王稱弟子

唐高祖鎮太原時。引張復胤為客。以經授秦王。後太宗即位。賜燕月池。帝從容曰。今日弟子何如。胤曰。昔孔子門人三千。達者無子男之位。臣翼贊一人。乃王天下。計臣之功。過于先聖。帝為之笑。

獻粟來學

漢賈逵通經。門徒來學。不遠萬里。獻粟盈倉。或云逵非力耕。乃舌耕也。

裹糧受業

宋紀。詔徵士周勣於東陵。以子裹糧受業者百餘人。

師事孔璠

北史李謚。初師事小學博士孔璠。後璠復就謚請業。同門生語曰。青成藍。藍謝青。師何常。在明經注云。青成藍。比謚從璠學。藍謝青。比璠復從謚學。又按荀子勸學篇。青出于

謚音密



藍而青于藍。冰水為之。而爽于水。

辱知韓愈

韓昌黎先生沒。門人隴西李漢辱知最厚。且親。遂收拾遺文。無所遺失。

少從劉歆

東漢孫奮。字君魚。少從劉歆。受春秋左氏傳。歆稱之謂門人曰。吾已從君魚受道矣。

少從胡瑗

安定先生胡翼之。在湖學時。福唐劉勰執中。往從之。學者數百人。盡為高第。凡紀綱于學者。藝之力為多。後勰召對。上問從學何人。對曰。臣少從學于安定先生胡瑗。上曰。其

人文章。與王安石孰優。對曰。時瑗以道德仁義教東南諸生。而王安石方在場屋。修進士業。聖人之道。有體有用。有文。國家取士。不以體用為本。而尚聲律浮華之詞。是以風俗儉薄。臣師瑗深病其失。遂明體用之學。以授諸生。今學者皆明聖人體用。以為政教之本。皆臣師之功也。上悅。

監庫從師

宋趙蕃受學於劉清之。清之守衡州。乃求監安仁贍軍酒庫。因以卒業。至衡而清之罷。即丐祠從清之歸。其後真德秀書之國史。曰。蕃于師友之際。蓋如此。肯負國手。

設坐拜師

宋陳自強。嘗為韓侂胄童子師。及侂胄當國。自強入都待

山學錄  
卷八  
二十一  
銓欲見之無以自通。僦居王人出入侂冑家為入言之。一日侂冑召自強。比至從官畢集。侂冑設褥於堂。延自強升坐再拜。次召從官同坐。從官踖踏。莫敢居上者。侂冑徐曰。陳先生老儒。泊及可念。客唯唯。明日交薦其才。即除太學錄。

吟風

珣音向  
宋周敦頤為南安軍司理。洛人程珣攝通守事。與敦頤語。知其學為知道也。使其子顥頤受學焉。茂叔每令尋孔頤樂處。所樂何事。顥常曰。自見周茂叔後。吟風弄月以歸。有吾與點也之意。

立雪

見雪

角集八卷終

